



13
403
18



太平御覽卷第九十三

皇王部十八

魏太祖武皇帝

魏太祖武皇帝

文皇帝



新嘉圖書

此係明八年八月八日
所購以贈
所購以贈

新嘉圖書

魏志曰太祖武皇帝沛國譙人姓曹名操字孟德漢相國參之後曹瞞傳曰太祖一祖騰漢桓帝時為中常侍大長秋封費亭侯養子嵩嗣官至太尉莫能審其生出本末傳及郭頌世語並云嵩夏侯氏子夏侯惇之叔父太祖於惇為從父兄弟也嵩生太祖太祖少機警有權數而任俠放蕩不治行業故世人未之奇也唯梁國橋玄南陽何顒異焉玄謂太祖曰天下將亂非命世之才不能濟也能安之者其在君乎年二十舉孝廉為郎除洛陽北部尉遷頓丘令徵拜議郎光和末黃巾起拜騎都尉討潁川賊遷為濟南相國有十餘縣長吏多阿附貴

戚賊汙狼籍於是奏免其八九禁斷淫祀姦宄逃竄郡界
整肅久之徵還爲東郡太守不就稱疾歸鄉里初平元年
春正月後將軍袁術冀州牧韓馥兗州刺史劉岱渤海太
守袁紹齊北相鮑信等同時俱起衆各數萬推紹爲盟主
太祖行奮武將軍董卓聞兵起乃徙天子都長安卓留屯
洛陽遂焚宮室是時卓兵強紹等莫敢先進太祖曰舉義
兵以誅暴亂大衆已合諸君何疑向使卓聞山東兵起倚
王室之重據二周之險東向以臨天下雖以無道行之猶
足爲患今焚燒宮室劫遷天子海內震動不知所歸此天
亡之時也一戰而天下定矣不可失也遂引兵西據成臯
到滎陽汴水遇卓將徐榮與戰不利士卒死傷甚多太祖
爲流矢所中乘馬被瘡從弟洪以馬與太祖得出太祖兵
少乃與夏侯惇等詣楊州募兵司徒王允與呂布共殺卓

青州黃巾衆百餘萬人兗州劉岱欲擊之鮑信諫岱不從
遂與戰果爲賊所殺信乃迎太祖領兗州牧遂進兵擊黃
巾追至濟北乞降冬受降卒三十餘萬男女百餘萬口收
其精銳者號青州兵天子拜太祖兗州牧是歲長安亂天
子東遷敗於曹陽渡河幸安邑太祖軍臨武迎天子假太
祖節鉞錄尚書事獻帝記曰又洛陽殘破董昭等勸太祖
領司隸校尉都許車駕出轅轅而東以太祖爲大將軍封武平侯自天
子西遷朝廷離亂至是宗廟社稷制度始立時以袁紹爲
太尉紹恥班在公下不肯受公乃固辭以大將軍讓紹天
子拜公司空行車騎將軍公圍張繡於穰劉表遣兵救繡
以絕軍後公將引還繡兵來追公軍不得進連營稍前公
與荀彧書曰賊來追吾雖日行數里吾策之到安衆破繡
必矣到安衆繡與表兵合守險公軍前後受敵公乃夜鑿

險爲地道悉過輜重設奇兵會明賊謂公爲遁也悉軍來追乃縱奇兵出來攻大破之公還許荀彧問公前何以策賊必破公曰虜過吾歸師而與吾死地戰吾以是知勝矣表紹旣奔公孫瓚兼四州之地衆十餘萬諸將以爲不可敵公曰吾知紹之爲人志大而智小色厲而膽薄忌刻而少威兵多而分畫不明將驕而政令不一土地雖廣糧食雖豐適足以爲吾奉也張繡率衆降公軍官渡劉備殺徐州刺史曹胄舉兵屯沛五年公自征備諸將曰與公爭天下者表紹也今棄之東若何公曰劉備人傑也今不擊必爲後患表紹雖有大志而見事遲必不動也遂破備備奔紹紹遣郭圖淳于瓊顏良等攻劉延於白馬紹引兵至黎陽公於是救延荀攸說公曰今兵少不敵分其勢乃可公從之遂擊破斬良紹騎將文醜與劉備將五六千騎前後

至公縱奇兵擊大破之斬醜良醜良皆紹名將再戰悉擒紹軍大震八月紹連營稍前進臨官渡土山起地道公亦於內作之以相應紹射營中矢如雨下行者皆蒙楯衆大懼時公糧少與荀彧書議欲還許或以爲紹悉衆泛官渡欲與公決勝敗公以至弱當至強若不能制必爲所乘是天下之大機也公與紹相距連月雖比戰斬將然衆少糧盡士卒疲乏公謂運者曰十五日爲汝破紹不復勞汝矣冬十一月紹遣車運穀使淳于瓊等五人將兵萬餘人逆之宿紹軍營北四十里紹謀臣許攸貪財紹不能用來奔因說公擊瓊等左右疑之荀攸賈詡勸公公乃留曹洪守自將步騎五千人夜往會明至瓊等望見公兵少出陣門外公急擊之瓊退保營遂攻之紹遣騎救瓊左右或言賊稍近請分兵距之公怒曰賊在背後乃白士卒皆殊死戰

大破瓊等皆斬之紹初聞公擊瓊謂長子譚曰就彼破瓊等吾攻拔其營彼固無所歸矣乃使張郃高覽攻曹洪郃等聞瓊破遂來降紹衆大潰紹及譚棄軍走渡河追之不及盡收其輜重圖書珍寶虜其衆公收紹書中得許下及軍中人書皆焚之紹自軍破後發病歐血死小子尚代譚自號車騎將軍屯黎陽秋公征之連戰譚尚數敗退固守攻其郭乃出戰擊大破之譚尚夜遁譚尚爭冀州譚爲尚所敗走保平原尚攻之急譚遣辛毗乞降請救諸將皆疑荀攸勸公許之公乃引軍到黎陽爲子整與譚結婚尚聞公北乃釋平原還鄴公進軍攻鄴尚懼乞降公不許爲圍益急尚夜遁衆大潰尚走中山盡獲其輜重得尚印綬節鉞鄴定公臨祠紹墓哭之流涕慰勞紹妻還其家人寶物賜之雜繒絮廩食之天子以公領冀州牧公讓還兗州公

之圍鄴也譚略取甘陵安平渤海河間尚敗還中山譚攻之尚奔固安遂并其衆公遣譚書責以負約與之絕婚女還然後進軍譚懼拔平原走保南皮公入平原略定諸縣攻譚破之斬譚誅其妻子冀州平表熙大將焦觸張南等叛攻熙尚熙尚奔三郡烏丸觸等舉其縣降封爲列侯三郡烏丸乘亂破幽州略有漢民合十餘萬戶初表紹皆立其酋豪西單于蹋頓尤強爲紹所厚故尚兄弟歸之數入塞爲害公將征之鑿渠自呼池入派水名平虜渠引軍出虜龍塞外道絕不通乃壅山堙谷五百餘里經白檀歷平剛涉鮮卑庭東指柳城未至二百里虜乃知之尚熙與蹋頓遼西單于樓班右北平單于能臣抵之等將數萬騎逆軍登白狼山卒與虜遇衆甚盛公車重在後被甲者少左右皆懼公登高望虜陣不整乃縱兵擊之使張遼爲先鋒

虜衆大崩斬躡頓及名王以下胡漢降者二十餘萬口初
遼東太守公孫康恃遠不服及公破烏丸或說公遂征之
尚兄弟可擒也公曰吾方使康斬送尚熙首不煩兵矣公
引軍自柳城還康即斬尚熙及速僕丸等傳其首諸將或
問公還而康斬送尚熙何也公曰彼素畏尚等吾急之則
并力緩之則自相圖其勢然也關中諸將疑公欲自襲馬
超遂與韓遂楊秋李堪成宜等反公迺征之與超夾關爲
軍乃與尅日會戰先輕兵挑之戰良久乃縱虎騎夾擊大
破之斬成宜李堪等超走涼州楊秋奔安定關中平天子
命公贊拜不名入朝不趨劔履上殿如蕭何故事使御史
大夫郗慮持節策命公爲魏公始建魏社稷宗廟天子娉
公三女爲貴人又命公置旄頭宮殿設鍾簾又命公承制
封拜諸侯守相冬十月始置名號侯至五大夫與舊列侯

關內侯凡六等以賞軍功又進公爵爲王設天子旌旗出
入稱警蹕王崩于洛陽時年六十六謚曰武葬高陵

又曰漢相帝時有黃星見於楚宋之分遼東商道善天文
言後五十歲當有真人起於梁沛之間其鋒不可當至破
表紹之歲凡五十年天下莫敵矣

魏書曰漢末太祖拒董卓命歸鄉里過故人成臯呂伯奢
伯奢不在其子八人備賓主之禮太祖自以背卓聞其食
器聲以爲圖己夜殺八人而去旣而歎曰寧我負人無人
負我

又曰太祖自御海內芟夷羣醜其行軍用師大較依孫吳
之法而因事設奇量敵制勝變化如神自作兵書十餘萬
言諸將征伐皆以新書從事臨時又手爲節度從令者尅
捷違教者負敗與虜對陣意思安閑如不欲戰然及至決

機乘勝氣勢盈溢故每戰必克知人善察難眩以偽拔于禁樂進於行陣之間取張郃徐晃於亡虜之中皆佐命立功列於名將其餘拔出細微登爲牧守者不可勝數是以創造大業文武並施御軍三十餘年手不捨書晝則講軍策夜則思經傳登高必賦乃造新詩被之管絃皆成樂章才力絕人手射飛鳥躬擒猛獸嘗於南皮一日射雉獲六十三頭及造作宮室繕治器械無不爲之法則皆盡其意雅性節儉不好華麗後宮不衣錦繡侍御履不二綵帷帳屏風壞則補納茵蓐取溫無有緣飾攻城拔邑得靡麗之物則悉以賜有功勳勞宜賞不吝千金無功望施分毫不與四方獻御與羣下共之常以禮送終之制襲稱之數繁而無益俗又過之故豫自爲制終云衣服四篋而已帝王世紀曰黃初元年追尊號謚曰武皇帝廟號曰太祖

曹瞞傳曰操少好飛鷹走狗遊蕩無度其叔父數言之於嵩操患之後逢叔父於路乃陽敗面喞曰叔父惟問其故太祖曰卒中惡風叔父以告嵩嵩驚愕呼操而口見如故嵩問曰叔父言汝中風已差乎操曰初中風但失愛於叔父故見罔耳嵩乃疑焉自後叔父有所告嵩終不復信操於是益得肆意及爲洛陽北部尉初入尉廨繕治四門造五色棒懸門左右各十餘枚有犯禁者不問豪強皆棒殺後數月靈帝愛幸小黃門蹇碩叔父夜行即殺之京師歛迹莫敢犯者近習寵臣咸疾之然不能傷於是共稱薦操故遷爲頓丘令操爲人輕易無威重好音樂倡優在側恒以日達夕被服輕綺身自佩小盤囊以盛手中細物時或冠袷帽以見賓客每與人談論戲弄言辭盡無所隱及悅大笑至以頭投杯案中餽膳皆沾汚巾憤其輕易如此

然持法峻刻諸將計畫勝出己者隨以法誅之及故人舊惡亦皆無餘其所刑殺輒對之垂涕嗟痛之終無所活嘗出軍行經麥中令士卒無敗麥犯者死騎士皆下馬指麥以相付時操馬騰入麥中勅主簿議罪主簿對以春秋之義罰不加尊操曰制法而自犯之何以帥下然孤爲軍帥不可殺請自刑因援刀割髮以置地

世語曰魏武將見匈奴自以形陋不足雄遠國使崔季珪代當自捉刀立牀頭坐既畢令問謂曰魏王何如匈奴使荅王雅望非常然牀頭捉刀人此乃英雄也魏王聞之馳遣殺此使

博物志曰漢世安平崔瑗瑗子寔弘農張芝芝弟昶並善草書而太祖亞焉相譚蔡邕善音樂馮翊山子道王九真郭凱等善圍碁太祖皆與埒能又好養性法亦解方藥招

引方術之士廬江左慈譙郡華他甘陵甘始陽城郟儉無不畢至又習噉野葛至一尺亦得少多飲鴆酒世說曰魏武帝嘗過曹娥碑不解楊脩讀碑背上題云黃綰幼婦外孫齏曰魏武謂脩曰卿解未可言待我思之行三十里魏武曰吾已得令脩別記所知脩曰黃綰色絲也於字爲絕幼婦少女也於字爲妙外孫女子也於字爲好齏曰受辛也於字爲辭所謂絕妙好辭武帝亦記之與脩言同帝歎曰我才不如卿乃較三十里

唐太宗皇帝祭魏武帝文曰夫大德曰生資二儀以成化大寶曰位應五運而遞昌貴賤廢興莫非天命故龍顏日角顯帝王之符電影虹光表乾坤之瑞不可以智競不可以力爭昔漢室鼎分羣雄並立夫民離政亂安之者哲入德喪時危定之者賢輔伊尹之匡殷室王道昏而復明霍

光之佐漢朝皇綱否而還秦立忠履節爰在於斯帝以雄武之姿當艱難之運棟梁之任同乎曩時匡正之功異乎往代觀沉溺而不拯視顛覆而不持乖徇國之情有無君之跡既而三分肇慶黃星之應久彰五十啓期真人之運斯屬其天意也豈人事乎曰夫大勢曰主資二勢曰助

晉書曰文帝

文帝

文帝

魏志曰文皇帝諱丕字子桓武帝太子太祖崩嗣位爲丞相魏王延康元年十月升壇卽祚改延康爲黃初以荆揚江表八郡爲荊州孫權領牧故也荊州江北諸郡爲郢州權破劉備於夷陵初帝聞備兵東下與權交戰樹柵連營七百餘里謂羣臣曰備不曉兵豈有七百里營可以拒敵者乎孫權叛帝自許昌南征諸軍兵並進權臨江拒守幸廣陵故城臨江觀兵戎卒十餘萬旌旗數百里是歲大寒

冰舟不得入江乃引還七年春將幸許昌許城南門無故自崩帝心惡之還洛陽宮五月帝崩于嘉福殿時年四十四帝好文學以著述爲務自所勒成垂百篇又使諸儒撰集經傳隨類相從凡千餘篇號曰皇覽

魏書曰帝生時有雲氣青色而圓如車蓋當其上終日望氣者以爲至貴之證非人臣之氣年八歲能屬文有逸才遂博貫古今經傳諸子百家之言善騎射好擊劔州舉茂才不行

又曰文帝初在東宮氣疫癘大起時人凋傷帝深感歎與素所善者大理王朗書曰人生有七尺之形死爲一棺之士唯立德揚名可以不朽其次莫如著篇籍疫癘數起士人凋落余獨何人能全其壽故論撰所著論詩賦蓋百餘篇集諸儒於肅成門內講論大義俛俛無倦

吳志曰魏文帝出廣陵望大江曰彼有人焉未可圖也乃還

博物志曰魏文帝善彈棊能用手中巾角時有一書生又能低頭以所冠巾角檄棊

典論曰初平之元董卓弑帝鳩后盪覆王室時余年五歲上以世方擾亂教余學射六歲而知射教余乘馬八歲而能騎射矣以時之多難故每征伐余乘馬常從建安初上南征荊州至宛張繡降旬日而反亡兄孝廉子脩從兄安民遇害時余十歲乘馬得脫夫文武之道各隨時而用生乎中平之季長於戎旅之間是以少好弓馬于今不衰逐禽輒十里馳射常百步日夕體倦心每不厭建安十年始定翼州穢貊獻良弓燕岱獻名馬時歲之暮春勾芒司節和風扇物弓燥手柔草淺獸肥與族兄子丹獵於鄴西終

日獲麀鹿九雉兔二十後軍南征次曲蠡尚書令荀彧奉使犒軍見余談論之末或言聞君善左右射此實難能余言執事未視夫項發口縱俯馬蹄而仰月支也彧喜笑曰乃尔余曰埒有常徑的有常所雖每發輒中非至妙也若夫馳平原赴豐草要狡獸截輕禽使弓不虛彎所中必洞斯則妙矣時軍祭酒張京在坐顧彧俱拊手曰善余又好擊劍閱師多矣四方之法各異唯京師爲善余於他戲弄之事少所喜唯彈棊略盡其巧少爲之賦昔京師先工有馬合鄉侯東方安世張公子常恨不得與彼數子者對上雅好書籍雖在軍旅手不釋卷每定省從容常言人少學則思專長則善忘長大而能懃學者唯吾與表伯業耳余是以少誦詩論及長而備歷五經四部史漢諸子百家之言靡不畢覽所著書論詩賦凡六十篇至若知而能愚勇

而知怯仁以接物恕以及下以付後之良史也
 而前趙趙主石虎少而無道其虐于百姓之
 甚也其後魏主拓跋珪少而無道其虐于百姓之
 甚也其後齊主高澄少而無道其虐于百姓之
 甚也其後周主宇文護少而無道其虐于百姓之
 甚也其後隋主楊堅少而無道其虐于百姓之
 甚也其後唐主李元昊少而無道其虐于百姓之
 甚也其後宋主趙匡胤少而無道其虐于百姓之
 甚也其後元主忽必烈少而無道其虐于百姓之
 甚也其後明主朱棣少而無道其虐于百姓之
 甚也其後清主努爾哈齊少而無道其虐于百姓之
 甚也其後宣統主溥儀少而無道其虐于百姓之
 甚也

太平御覽卷第九十三

太平御覽卷第九十四

皇王部十九

魏烈祖明皇帝

陳留王

齊王

高貴鄉公

魏志曰明皇帝諱叡字元仲文帝太子也生而太祖愛之
 常令在左右年十五封武德侯黃初二年為齊公三年為
 平原王以其母誅故未建為嗣七年夏五月帝病篤乃立
 為皇太子丁巳即皇帝位詔太傅三公以文帝典論刻石
 于廟門之外青龍見郊之摩陂井中幸陂觀龍於是改元
 為青龍摩陂為龍陂二年三月山陽公薨素服發哀使持
 節典護喪追謚山陽公為漢孝獻皇帝葬以漢禮孫權入
 居巢湖口向合肥新城又遣將陸遜孫韶各將萬餘人入

太平御覽 卷九十四
淮沔六月征東將軍滿寵進軍拒之秋七月帝親御龍舟東征權攻新城將軍張穎等拒守力戰帝軍未至數百里權遁走群臣以爲大將軍方與諸葛亮相持未解車駕可西幸長安帝曰權走亮膽破大將軍必制之吾無憂矣遂進軍幸壽春錄諸將功封賞各有差八月大驩兵饗六軍遣使者持節犒勞合肥壽春諸軍行還許昌宮司馬宣王與亮連圍積日亮數挑戰宣王堅壘不應會亮卒其軍退還景初元年泰山荏縣言黃龍見在土於是狸反有司奏以爲魏得地統宜以建丑之月爲正月定曆改年爲孟夏四月服色尚黃犧牲用白戎事乘黑首白馬建大赤之旗朝會建太白之旗改太和曆爲景初曆其春夏秋冬孟仲季月雖與正歲不同至於郊祀迎氣禘祠蒸嘗巡狩蒐田分至啓閉班宣時令中氣早晚敬授民事皆以正歲斗建爲曆

數之序二年十二月帝寢疾不豫太尉宣王還至河內帝驛馬召到引入卧內執其手謂曰吾疾甚以後事屬君君其與爽輔少子吾得見君無所恨矣宣王頓首流涕即日帝崩于嘉福殿年三十六葬高平陵魏書曰帝生數歲而有岐嶷之姿武皇帝異之曰我基於爾三世矣每朝讌會同與待中近臣並列帷幄好學多識特留心於法理容止可觀望之儼恪即位之後容受直言聽受吏民士卒上書一月之中至數十百封雖文辭鄙陋猶覽省究意無厭倦

又曰青龍三年起太極諸殿築摠章觀高十餘丈建翔鳳於其上又於芳林園中起陂池櫟榘越歌又於列殿之北立八坊諸才人以次第序處其中貴人夫人已上轉南附焉其秩名擬百官之數帝常遊宴在內乃選女子知書可

附信者六人以爲女尚書使典省外奏事處分當畫可自
 貴人已下至尚保及給掖庭洒掃習伎歌者各有千數通
 引穀水過九龍前爲玉井綺欄蟾蠩含受神龍吐出使博
 士馬均作司南車水轉百戲歲首建巨獸魚龍曼延弄馬
 倒騎備如漢西京之制築閭闔諸門闕外罌音愚太子
 舍人張茂以吳蜀數動諸將出征而帝盛興宮室留意於
 玩飾賜與無度帑藏空竭乃上書諫之
 魏氏春秋曰魏明帝天姿秀出立髮委地口吃少言而沉
 毅好斷初諸公受遺輔導帝皆以方位處之政自己出而
 優禮大臣開容善直雖犯顏極諫無摧戮也其君人之量
 如此之偉然不思建德垂風固維城之基至使大權偏據
 社稷無衛悲夫
 魏略曰明帝欲平北邙令登臺見孟津辛毗諫曰若九河

溢涌洪水爲害丘陵皆夷何以禦之帝乃止
 魏末傳曰初帝爲平原王母甄后妬文帝殺之故不立爲
 太子嘗從帝獵見鹿子母帝射殺鹿母詔明帝射鹿子明
 帝曰陛下已殺其母臣不忍殺其子因涕泣文帝即放弓
 箭以此深奇之而建樹之意定矣

廢帝齊王芳

魏志曰齊王諱芳字蘭卿明帝無子養王及秦王詢官省
 事秘莫有知其所由來者魏氏春秋曰或云青龍三年立
 爲齊王景初三年正月明帝病甚乃立爲皇太子是日即
 皇帝位二月西域重譯獻火浣布詔大將軍太尉臨試以
 示百僚帝加元服賜羣臣各有差大將軍司馬景王將謀
 廢帝以聞皇太后太后令曰皇帝芳春秋已長不親萬機
 耽淫內寵沉浸女德日延倡優縱其醜謹日迎六官家人

留止內房毀人倫之敘亂男女之節恭孝日虧悖傲滋甚不可以承天敘奉宗廟遣芳歸藩于齊以避帝位是日遷居別宮時年二十三使者持節送衛營齊王宮於河內之重門制度皆如藩國之禮

魏略曰景王將廢帝遣郭芝入白太后后與帝對坐芝謂帝曰大將軍欲廢陛下立彭城王據帝乃起去太后不悅芝曰太后有子不能教令大將軍意已成又勒兵在外以備非常但當從旨將復何言太后曰我欲見大將軍口有所說芝曰何可見耶但當速取璽綬太后意折乃遣傍御取璽綬着坐側芝出報景王景王甚懼又遣使者授齊王印綬當出就西宮帝受命遂載王車與太后別垂涕始從太極殿南出群臣送者數十人太尉司馬孚悲不自勝餘多流涕王出後景王又使使者請璽綬太后曰彭城王我

之季叔也今來立我當何之且明帝當絕嗣乎吾以爲高貴鄉公者文皇帝之長孫明皇帝之弟子於禮小宗有後太宗之義其詳議之景王乃更召羣臣以皇太后令示之乃定迎高貴鄉公是時太常以發二日待璽綬於溫事定又請璽綬太后令曰我見高貴鄉公小時識之明日我自欲以璽綬手授之○魏世譜曰晉受禪封齊王爲邵陵縣公年四十三太始十年薨謚曰厲公

廢帝高貴鄉公

魏志曰高貴鄉公諱髦字彥士文帝孫東海定王彬子也正始五年封鄉縣高貴鄉公少好學夙成齊王廢公卿議迎立公十月公至于玄武館羣臣奏請舍前殿公以先帝舊處避止西廂群臣又請以法駕迎公不聽丙寅公入于洛陽群臣迎拜西掖門南公下輿將荅拜儻者請曰儀不

太平御覽 卷九十四
拜公曰吾人臣也遂荅拜至止車門下與左右曰舊乘輿
入公曰吾被皇太后徵未知所爲遂步至太極東堂見于
太后是日卽皇帝位百僚陪位者欣欣焉甘露元年夏四
月幸太學問諸儒曰聖人幽贊神明仰觀俯察始作八卦
後聖重之爲六十四爻以極數凡斯大義罔有不備而
夏有連山殷有歸藏周日周易易之書其故何也易博士
淳于俊對曰庖犧因燧皇之圖而制八卦神農演之爲六
十四黃帝堯舜通其變三代隨時質文各繇其事故易者
變易也名曰連山似山出納雲氣連大地也歸藏者萬事
莫不歸藏於其中也帝又曰若使庖犧因燧皇而作易孔
子何以不云燧人氏沒庖犧氏作乎俊不能荅講易畢復
命講尚書帝問曰鄭玄云稽古同天言堯同於天也王肅
云堯順考古道而行之二義不同何者爲是博士庾峻對

曰先儒所執各有乖異臣不足以定之然洪範稱三人占
從二人之言賈馬及肅皆以爲順考古道以洪範言之肅
義爲正帝曰仲尼言唯天爲大唯堯則之堯之大美在乎
則天順考古道非其至也今發篇義以明聖德而舍其大
更稱其細豈作者之意耶峻對曰臣奉遵師說未喻大義
至於文質折中裁之聖思復命講禮記帝問曰太上立德
其次務施報爲治何由而教化各異皆脩何政而能致於
立德施而不報乎博士馬照對曰太上立德謂三皇五帝
之世以德化民其次施報謂三王之世以禮爲治也帝曰
二者教化薄厚不同將主有優劣耶時使之然乎照對曰
誠由時有樸文故化有薄厚也帝幸辟雍會命群臣賦詩
侍中和道音由尚書陳騫等作詩賦稽留有司奏免官詔曰
吾以闇昧愛好文雅廣延詩賦以知得失而乃爾紛紜良

用反側其原道等主者宜勅自尔已後羣臣皆當翫習古義脩明經典稱朕意焉

魏氏春秋曰公神明爽儁德音宣則罷朝景王私曰上何如主也鍾會對曰才同陳思武類太祖景王曰若如卿言社稷之福也甘露元年二月帝讌羣臣於太極東堂與侍中荀顛尚書崔贊表亮鍾毓中書令虞松等並講述禮典遂言帝王優劣之差帝慕夏少康因問顛等曰有夏旣衰后相殆滅少康收集夏衆復禹之績漢高祖拔起蕞叢驅帥豪儁芟夷秦項包舉宇內斯二主可謂殊才異略命世大賢者也考其功德誰宜爲優顛等對曰夫天下重器王者天授德應期運然後能受命創業至於階緣前緒興復舊績造之與復固難易不同少康功德雖美猶爲中興之君與漢世祖同流可也至如高祖臣等以爲優帝曰自古

帝王功德言行互有高下未必割業者皆優紹繼者咸劣也湯武高祖雖俱受命賢聖之分所覺懸殊少康殷宗中興之美夏啓周成守文之盛論德校實方諸漢祖吾見其優未聞其劣顧所遇之時殊故所名之功異爾少康生於滅亡之後降爲諸侯之隸崎嶇逃難僅以身免能布其德而兆其謀卒滅過戈克復禹績祀夏配天不失舊物非至德弘仁豈濟斯勲漢祖因土崩之勢仗一時之權專任智力以成功業行事動靜多違聖檢爲人子則數危其親爲人君則囚繫賢相爲人父則不能衛子身沒之後社稷幾傾若與少康易時而處或未能復大禹之績也推此言之宜高夏康而下漢祖矣

漢晉陽秋曰帝見威權日去不勝其忿乃召侍中王沉尚書王經散騎常侍王業謂曰司馬昭之心路人所知也吾

不能坐受廢辱今日當與卿自出討之王經曰昔魯昭公不忍季氏敗走失國爲天下笑今權在其門久矣朝廷四方皆爲之致死不顧逆順之理非一日也且宿衛空闕兵甲寡弱陛下何所資用而一旦如此無乃欲除疾而更深之耶禍殆不測宜見重詳帝乃出懷中板投地曰行決矣正使死何所恨況不必死耶於是入白太后沉業奔走告文王爲之備帝遂帥僮僕數百鼓譟而出文王弟屯騎校尉仇_音入遇帝於東止車門左右呵之仇衆奔走中護軍賈充又逆帝戰於南闕下帝自用劔揮衆欲退太子舍人成濟問充曰事急矣當云何充曰今日之事無所問也濟卽前刺帝刃出於背文王聞大驚自投於地曰天下其謂我何太傅乎奔往枕帝股而悲哀甚曰殺陛下者臣之罪也葬高貴鄉公于洛陽西北三十里屈澗之濱下車數乘

不設旌旄百姓相聚而觀之曰是前日所殺天子也或掩面而泣悲不自勝

帝王世紀曰高貴鄉公爲太子舍人成濟所害年二十以公禮葬之

陳留王

魏志曰陳留王諱奐字景明武帝孫燕王宇之子也甘露三年封安次縣常道鄉公高貴鄉公卒公卿議迎立公六月入于洛陽卽皇帝位於太極前殿大赦改元景元四年詔伐蜀命征西將軍鄧艾督帥諸軍趣甘松沓中雍州刺史諸葛緒督諸軍趨武都高樓首尾蹙討若擒姜維便當東西並進掃滅巴蜀也又命鎮西將軍鍾會由駱谷伐蜀所至輒克十一月蜀主劉禪降巴蜀皆平咸熙二年命晉王冕十有二旒建天子旌旗進王妃爲王后世子爲太子

八月相國晉王薨太子炎紹封襲位摠攝百揆十二月禪
位于晉改次于金墉城而終館于鄴時年二十在位六年
帝王世紀曰陳留王既即位禪晉封陳留王就國治鄴奉
魏宗祀○魏世譜曰晉封帝爲陳留王年二十八太安元
年崩謚曰元皇帝○魏志評曰古者以天下爲公唯賢是
與後代世位立子以嫡若胤嗣不繼則宜取旁親明德若
漢之文宣者斯不易之常准也明帝既不能然情繫私愛
撫養嬰孩傳以大器託付不專必參枝族其終曹爽誅夷
齊王替位高貴公才惠夙成好問尚辭亦文帝之風流也
然輕躁肆忿自陷大禍陳留王恭己南面宰輔統政仰遵
前式揖讓而禪遂饗封大國作賓于晉比之山陽班寵有
加焉

太平御覽卷第九十四

太平御覽卷第九十五

晉書曰宣帝諱懿字仲達河內溫縣孝穆里人姓司馬氏
其先出自帝高陽之子重黎爲夏官祝融歷唐虞夏商世
序其職及周以夏官爲司馬其後程伯休父周宣王時以
世官尅平徐方錫以官族因而爲氏楚漢間司馬卬爲趙
將與諸侯伐秦秦亡立爲殷王都河內漢以其地爲郡子
孫遂家焉自卬八世生征西將軍鈞字叔平鈞生豫章太
守量字公度量生穎川太守儁字元異儁生京兆尹防字
建公帝卽防之第二子也少有奇節聰明多大略博學洽
聞伏膺儒教漢末大亂常慨然有憂天下心南郡太守同
郡楊俊有知人之鑒見帝未弱冠以爲非常之器尙書清

河崔琰與帝兄朗善亦謂朗曰君弟聰亮明允剛斷英特非子所及也漢建安六年郡舉上計掾魏武帝爲司空聞而辟之帝知漢運方微不欲屈節曹氏辭以風痺不能起居魏武使人夜往密刺之帝堅卧不動及魏武爲丞相又辟文學掾勅行者曰若復盤桓便收之帝懼而就職於是使與太子遊處遷黃門侍郎轉議郎丞相東曹屬尋轉主簿魏國既建遷太子中庶子每與大謀輒有奇策爲太子所信重與陳群吳質朱鑠號爲四友遷爲軍司馬言於魏武曰昔箕子陳謀以食爲首今天下不耕而食者蓋二十餘萬非經國遠籌也雖戎甲未卷自宜且耕且守魏武納之於是務農積穀國用豐贍及魏武薨於洛陽朝野危懼帝綱紀喪事內外肅然乃奉梓宮還鄴魏文帝即位封河津亭侯轉丞相長史及魏文受漢禪以帝爲尚書頃之轉

督軍御史中丞封安國鄉侯黃初二年督軍官罷遷侍中尚書右僕射五年天子南巡觀兵吳疆帝留鎮許昌改封向鄉侯轉撫軍大將軍假節領兵五千以給事中錄尚書事帝固辭天子曰吾於庶事以夜繼晝無須更寧息此非以爲榮乃爲分憂耳六年天子復大興舟師征吳命帝居守臨行詔曰吾深以後事爲念故以委卿曹參雖有戰功而蕭何爲重使吾無西顧之憂不亦可乎天子自廣陵還洛陽詔帝曰吾東撫軍當總西事吾西撫軍當總東事於是留帝鎮許昌及天子疾篤帝與曹真陳群等見於崇華殿之南堂並受顧命輔政詔太子曰有聞此三公者慎勿疑之明帝即位改封舞陽侯及孫權圍江夏遣其將諸葛瑾張霸并攻襄陽帝督諸軍討權走之進擊敗瑾斬張霸并首級千餘遷驃騎將軍太和元年六月天子詔帝屯于

宛加督荆豫二州諸軍事初蜀將孟達之降也魏朝遇之甚厚帝以達言行傾巧不可任驟諫不見聽乃以達領新城太守封侯假節達於是連吳固蜀潛圖中國帝以書諭之達得書大喜猶與不決帝乃潛軍進討上庸城三面阻水達於城外爲木柵自固帝渡水破其柵直造城下入道攻之旬有六日達甥鄧賢將李輔等開門出降斬達首傳京師俘獲萬餘人振旅還于宛乃勸農桑禁浮費南土悅附焉時邊郡新附多無名戶魏朝欲加隱實屬帝朝于京師天子訪於帝帝對曰賊以密網束下故下奔之宜弘以大綱則自然安樂又問二虜宜討何者爲先對曰吳以中國不習水戰故敢散居東關凡攻敵必先扼其喉而舂其心夏口東關賊之心喉若爲陸軍以向皖音患城引權東下爲水戰軍向夏口乘其虛而擊之此神兵從天而墮破之

必矣天子並然之復命帝屯于宛四年遷大將軍加大都督假黃鉞與曹真伐蜀軍次丹口遇兩班師明年諸葛亮寇天水圍將軍賈嗣魏平於祁山天子曰西方有事非君莫可付者乃使帝西屯長安都督雍梁二州諸軍事統車騎將軍張郃後將軍費曜征蜀護軍戴凌雍州刺史郭淮等討亮遂進軍隴式朱糜亮聞大軍直至乃自帥衆將芟音上邽音圭之麥諸將皆懼帝曰亮慮多決少必安營自固然後芟麥吾得二日兼行足矣於是卷甲晨夜赴之亮望塵而遁進次漢陽與亮相遇帝列陣以待之使將牛金輕騎誘之兵纔接而亮退追至祁山亮屯鹵城據南北二山斷水爲重圍帝攻之拔其圍亮宵遁追擊破之俘斬萬計天子使使勞軍增封邑二年亮又帥衆十餘萬出斜谷壘于郿音眉之渭水南原天子憂之遣征蜀將軍秦朗督步騎

二萬受帝節度諸將欲往渭北待之帝曰百姓積聚皆在渭南此必爭之地也遂引軍而濟背水爲壘因謂諸將曰亮若勇者當出武功依山而東若西上五丈原則諸軍無事矣亮果上原將北渡渭帝遣將軍周當屯陽遂以餌之數日亮不動遂遣將軍胡遵雍州刺史郭淮共備陽遂與亮會于積石臨原而戰亮不得進還于五丈原會有長星墜亮之壘帝知其必敗遣奇兵椅音已亮之後斬五百餘級獲生口千餘降者六千餘人三年遷太尉累增封邑蜀將馬岱入寇帝遣將軍牛金擊走之斬千餘級四年遼東太守公孫文懿反徵帝詣京師天子曰此之不足以勞君事欲必尅故以相煩耳君度其作何計對曰棄城預走上計也據遼水以拒大軍次計也坐守襄平此成擒耳天子曰其計將安出對曰唯明者能深度彼我乃能豫有所制棄

此非其所及也今懸軍遠征將謂不能持久必先拒遼水而後守此中下計也天子曰往還幾時對曰往百日還百日攻百日以六十日爲休息一年足矣景初二年帥牛金胡遵等步騎四萬發自京都車駕送出西明門詔弟孚子師送過溫賜以穀帛牛酒勅郡守典農已下皆往會焉見父老故舊譙飲累日帝歎息悵然有感爲歌曰天地開闢日月重光遭遇際會畢力遐方將掃群穢還過故鄉肅清萬里懋齊入荒告成歸老待罪舞陽遂進師經孤竹越碣石次于遼水文懿果遣步騎數萬阻遼隧堅壁而守南北六七十里以拒帝帝盛兵多張旗幟出其南賊盡銳赴之乃汎舟潛濟以出其北與賊營相逼沉舟焚梁傍遼水作長圍棄賊而向襄平賊見兵出其後果邀之乃縱兵逆擊大破之三戰皆捷賊保襄平進軍攻之初文懿聞魏師之

出也請救於孫權權亦出兵遙爲之聲援遺文懿書曰司馬公善用兵變化若神所向無前深爲弟憂之會霖潦大水平地數尺賊恃水樵採自若朝廷聞師遇雨咸請召還天子曰司馬公臨危制變計日擒之矣既而雨止遂合圍起土山地道楯櫓鉤橦發矢石雨下晝夜攻之文懿大懼乃使其所署相國王建御史大夫柳甫乞降請解圍面縛不許執建等皆斬之文懿復遣侍中衛演乞尅日送任帝謂演曰軍事大要有五能戰當戰不能戰當守不能守當走餘二事唯有降與死耳汝不肯面縛此爲決就死也不須送任文懿攻南圍突出帝縱兵擊敗斬于梁又作水上有兵士寒凍乞襦帝弗之與或曰幸多故襦可以賜之帝曰襦者官物人臣無私施也遂班師天子遣使者勞軍于薊增封食昆陽并前三縣齊王卽位遷侍中持節都督

中外諸軍錄尚書事與曹爽各統兵三千人共執朝政更直殿中乘輿入殿爽欲使尚書奏事先由已乃言於天子徙帝爲大司馬朝議以爲前後大司馬累薨於位乃以帝爲太傅入殿不趨贊拜不名劍履上殿如蕭何故事八年夏四月曹爽用何晏鄧颺丁謐之謀遷太后於永寧宮專擅朝政兄弟並典禁兵多樹親黨屢改制度帝不能禁於是與爽有隙五月帝稱疾不與政事九年春三月黃門張當私出掖庭才人石英等一十一人與曹爽爲佞人爽晏謂帝疾篤有無君之心與當密謀圖危社稷期有日矣帝亦潛爲之備爽之徒屬亦頗疑帝會河南尹李勝將莅荆州來候帝帝詐疾篤使兩侍婢持衣落指口言渴婢進粥帝不能持杯飲粥皆流出霑曾勝曰衆情謂明公舊風發動何意尊體乃爾帝使聲氣纒屬說年老抱疾死在旦

夕君當屈并州并州近胡善爲之備恐不獲相見以子師
昭弟兄爲託勝曰當還忝本州非并州也帝乃錯亂其辭
曰君方到并州勝復曰當忝荊州帝曰年老意荒不解君
言今還本州盛德壯烈好建功勳勝退告爽曰司馬公尸
居餘氣形神已離不足慮矣他日又言曰太傅不可復濟
令人愴然故爽等不復設備嘉平元年春正月甲午天子
謁高平陵爽兄弟皆從是日太白襲月帝於是表奏永寧
太后廢爽兄弟時景帝爲中護軍將兵屯司馬門帝列陣
闕下經爽門爽帳下督嚴世上樓引弩將射帝孫謙止之
曰事未可知三注三止皆引其肘不得發大司農桓範出
赴爽將濟言於帝曰智囊往矣帝曰爽與範內疎而智不
及驚馬戀短豆必不能用也於是假司徒高柔節行大將
軍事領爽營謂柔曰君爲周勃矣命太僕王觀行中領軍

攝義營帝親帥太尉蔣濟等勒兵出迎天子屯于洛水浮
橋上奏曰先帝詔陛下齊王及臣升于御床握臣臂曰深
以後事爲念今大將軍爽肯弃顧命敗亂國典內則僭擬
外專威權群官要職皆置所親宿衛舊人並見斥黜根據
槃牙縱恣日甚又以黃門張當爲都監專共交關伺候神
器天下洶洶人懷危懼陛下便爲寄坐豈得久安此非先
帝詔陛下及臣升御牀之本意也臣雖朽邁敢忘前言昔
趙高極意秦是以亡呂霍早斷漢祚永延此乃陛下之躬
鑒臣授命之秋也公卿羣臣皆以爽有無君之心兄弟不
宜典兵宿衛表皇太后勅如奏施行臣輒勅主者及黃門
令罷爽義訓吏兵各以本官候就第若稽留車駕以軍法
從事臣輒力疾將兵詣洛水浮橋伺察非常爽不通奏留
車駕宿伊水南伐樹爲鹿角發屯兵數千人以守栢範果

勸爽奉天子幸許昌傳徵徵天下兵爽不能用而夜遣侍
中許允尙書陳泰詣帝以觀望風旨帝數其過失事止免
官泰還以報爽勸之通奏帝又遣爽所信殿中校尉尹大
目諭爽指洛水爲誓爽意信之相範等授引今古諫說萬
端終不能從乃曰司馬公正當欲奪吾權耳吾得以侯澤
弟不失爲富家翁範拊膺曰坐卿滅吾族矣遂通帝奏既
而有司劾黃門張當并發爽與何晏等反事乃收爽兄弟
及其黨與何晏丁謐鄧颺畢軌李勝桓範等誅之二月天
子以帝爲丞相增封八縣邑二萬戶奏事不名讓丞相冬
十二月加九錫之禮朝會不拜固讓九錫二年春正月天
子命帝立廟于洛陽帝以久疾不任朝請每有大事天子
親幸第以諮訪焉三年天子使兼大鴻臚太僕庚嶷持節
冊命爲相國封安平郡公固讓不受六月帝寢疾八月崩

于京師時年七十三武帝受禪上尊號曰宣皇帝陵曰高
原廟稱高祖。虞預晉書曰上雖服膺文藝以儒素立德
而雅有雄霸之量值魏氏短祚內外多難謀而鮮過舉必
獨克知人拔善顯揚側陋王基鄧艾周泰賈越之徒皆起
自寒門而著績於朝經略之才可謂遠矣
異苑曰晉宣帝誅王陵後寢疾日見陵逼帝呼曰彥雲彥
陵之字也緩我身上便有打處賈逵亦爲崇少日遂薨初陵既
被執過賈逵廟呼曰賈梁道王陵魏之忠臣唯爾有神知
之故達助焉及永嘉之亂有覲見帝涕泗云家國傾覆被
是曹爽夏侯玄訴怨得伸故也爽以勢族致誅玄以時望
戮

正月天子與中書令李豐后父光祿大夫張緝七入黃門

監蘇鑠音藥又書藥切等謀以太常夏侯玄代帝輔政帝密知之

使舍人王羨以車迎豐豐見迫隨羨而至帝數之豐知禍

及因肆惡言帝怒遣勇士以刀鑲築殺之逮捕玄緝等皆

夷三族三月乃諷天子廢皇后張氏因下詔曰奸臣李豐

等靖譖庸回陰搆凶慝大將軍紕虔天刑致之誅辟周勃

之尅呂氏霍光之擒上官曷以過之其增邑九千戶并前

四萬帝讓不受天子以玄緝之誅深不自安而帝亦慮難

作潛謀廢立乃密諷魏永寧太后秋九月甲戌太后下令

遣使迎高貴鄉公於元城而立之改元曰正元天子受璽

情舉趾高帝聞而憂之及將大會帝訓於天子曰夫聖王

重始正本苟初古人所慎也明當大會萬眾瞻穆穆之容

公卿聽玉振之音詩云示人不佻是則是効易日出其言

善則千里之外應之雖禮儀周備猶宜加之以祗恪以副

四海頤顙式仰癸巳天子詔登位相國進號大都督假黃

鉞入朝不趨奏事不名劔履上殿帝固辭相國二年春正

月有彗星見于吳楚之分西北竟天鎮東大將軍毋丘儉

楊州刺史文欽舉兵作亂矯太后令移檄郡國爲壇盟於

西門之外各遣子四人質于吳以請救二月儉帥眾六

萬渡淮而西帝會公卿謀征討計朝議多謂可遣諸將擊

之王肅及尚書傅嘏中書侍郎鍾會勸帝自行戊午帝統

中軍步騎十餘萬以征之倍道兼行召三萬兵大會于陳

許之郊甲申次于隱橋儉將史招李續相次來降儉欽移

入項城帝遣荊州刺史王基進據南頓以逼之帝深壁高

壘以待東軍之集諸將請進軍攻其城帝曰淮南將士本

無反志且儉欲蹈縱橫之跡習秦儀之說謂遠近必應

而事起之日淮北不從史招李績前後瓦解內乖外叛自知必敗困獸思鬪速戰更合其志雖云必尅傷人亦多且儉等欺誑將士詭變萬端少與持久詐情自露此不戰而尅之也乃遣諸葛誕督豫州諸軍自安風向壽春征東將軍胡遵督青徐諸軍出譙宋之間絕其歸路帝屯汝陽遣兗州刺史鄧艾督太山諸軍進屯樂嘉示弱以誘之欽進軍將攻艾帝潛軍銜枚徑進樂嘉與欽相遇欽子鴛年十八勇冠三軍謂欽曰及其未定請登城鼓譟擊之可破也既謀而行三譟而欽不能應鴛退相與引而東帝謂諸將曰欽走矣三鼓而欽不應其勢已屈不走何待欽將遁鴛曰不先折其勢不得去也乃與驍騎十餘摧鋒陷陣所向皆披靡遂引去帝遣左長史司馬璉督驍騎八千翼而追之欽父子與麾下走保項城儉聞欽敗棄衆宵遁淮南安

風津都尉追儉斬之傳首京都欽遂奔吳淮南平初帝目有瘤疾使醫割之鴛之來攻也驚而目出懼六軍之恐蒙之以被痛甚齧被敗而左右莫知焉閏月疾篤使文帝摠統諸軍辛亥崩于許昌時年四十八武帝受禪上尊號曰景皇帝廟稱世宗

文皇帝

晉書文皇帝諱昭字子上景皇帝母弟魏景初三年封新城鄉侯正元初爲洛陽典農中郎將值魏明奢侈之後帝蠲除苛碎不奪農時百姓大悅轉散騎常侍大將軍曹爽之伐蜀也以帝爲征蜀將軍副夏侯玄出駱谷次于興勢蜀將王林夜襲帝堅卧不動林退帝謂玄曰費禕以據險拒守進不獲戰攻之不可宜亟旋軍以爲後圖爽等引還禕果馳兵趣三嶺爭險乃得過還拜議郎及誅曹爽帥衆

衛二宮以功增邑千戶高貴鄉公之立也以參定策進封高都侯邑二千戶母丘儉文欽之亂大軍東征帝兼中領軍留鎮洛陽及景帝疾篤帝自京都省疾拜衛將軍景帝崩天子命帝鎮許昌尚書傅嘏帥六軍還京帝用嘏及鍾會策自帥軍而還至洛陽進位大將軍加侍中都督中外諸軍錄尚書事輔政劔履上殿固辭不受甘露元年春加大都督奏事不名夏六月進封高都公地方七百里加九錫假斧鉞進號大都督劔履上殿又不受秋八月庚申加假黃鉞增封三縣二年夏正月辛未鎮東大將軍諸葛誕殺揚州刺史樂琳以淮南作亂遣子靚音淨為質於吳以請救議者請速伐之帝曰誕以母丘儉輕疾傾覆今必外連吳寇此為變大而遲吾當與四方同力以全勝制之秋七月奉天子及皇太后東征徵兵青徐荆豫分取關中遊軍

皆會淮北師次于項城假廷尉何植節度淮南宣慰將士申明逆順示以誅賞甲戌帝進軍丘頭因命合圍三年春正月諸葛誕文欽等出攻長圍諸軍逆擊走之初誕欽內不相協及至窮蹙轉相疑貳會欽計事於誕忤誕手刃殺欽欽子鴛攻誕不克踰城降以為將軍封侯使鴛巡城市而呼帝見城上持弓者不發謂諸將曰可攻矣二月乙酉攻而拔之斬誕夷三族四月歸于京師魏帝令改丘頭為武丘以旌武功五月天子以并州太原上黨西河樂平新興鴈門司州之河東平陽八郡地方七百里封帝為晉公加九錫進位相國九讓乃止景元元年夏四月天子既以帝三世宰輔政非己出情不能安又慮廢辱將臨軒召百僚而行放黜五月戊子夜使冗從僕射李昭等發甲於陵雲臺召侍中王沉散騎常侍王業尚書王經出懷中黃素

詔示之戒嚴俟旦沈業馳告于帝召護軍賈充等爲之備天子知事泄帥左右攻相府稱有所討敢有動者族誅相府兵將止不敢戰賈充叱諸將曰公畜養汝輩正爲今日耳太子舍人成濟抽戈犯蹕天子崩于車中帝召百僚謀故僕射陳泰不至帝遣其舅荀顛輿致之延于曲室謂曰玄伯天下其如我何泰曰唯誓斬賈充微以謝天下帝曰卿更思其次泰曰但見其上不見其次於是歸罪成濟而斬之與公卿議立燕王宇之子常道鄉公璜音黃爲帝二年秋八月甲寅天子使太尉高柔授帝相國印綬司空鄭冲致晉公茅土九錫固辭三年夏四月肅愼來獻楛矢石磐弓甲貂皮等天子命歸大將軍府四年夏帝將伐蜀徵四方之兵十八萬使鄧艾自狄道攻姜維於沓中雍州刺史諸葛緒自祁山軍于武街絕維歸路鎮西將軍鍾會帥前

將軍李輔征蜀護軍胡烈等自駱谷襲漢中秋八月軍發洛陽大賚將士陳師誓衆將軍鄧敦謂蜀未可討帝斬以徇九月使天水太守王頎攻維營隴西太守牽弘邀其前金城太守楊欣趣甘松鍾會分爲二隊入自斜谷使李輔圍王含於樂城又使部將易愷攻蔣斌於漢城會直指陽安護軍胡烈攻陷關城姜維聞之引還王頎追敗維於強川維與張翼廖化合軍守劔閣鍾會攻之冬十月天子以諸侯獻捷交至詔加九錫帝乃受命十一月鄧艾帥萬餘人自陰平踰絕險至于江由破蜀將葛瞻於綿竹斬瞻首傳道進軍雒縣劉禪降天子命晉公以相國摠百揆於是上節傳去侍中大都督錄尚書之號焉咸熙元年春正月乙丑帝奉天子西征至于長安遣護軍賈充持節督諸軍據漢中鍾會遂反於蜀監軍衛瓘右將軍胡烈攻會斬之

景辰帝至自長安三月己卯進爵爲王增封并前二十郡
冬十月景午天子命中撫軍新昌鄉侯炎爲晉世子二年
五月天子命晃十有二旒建天子旌旗出警入蹕乘金根
車駕六馬備五時副車置旄頭雲罕樂舞八佾設鍾虡音
宮懸位在燕王上進王妃爲王后世子爲太子王女王孫
爵命之號皆如帝者之儀秋八月辛卯帝崩于露寢時年
五十五葬崇陽陵武帝受禪追尊號曰文皇帝廟稱太祖

世祖武皇帝

晉書曰武皇帝諱炎字安世文帝長子也寬惠仁厚沉深
有度量魏嘉平中封北平亭侯歷給事中奉車都尉中壘
將軍加散騎常侍累遷中護軍假節迎常道鄉公於東武
陽遷中撫軍進封新昌鄉侯及晉國建立爲世子拜撫軍
大將軍開府副貳相國初文帝以景帝旣宣皇之嫡早世

無後以帝弟攸爲嗣特加愛異自謂攝居相位百年之後
大業宜歸攸每曰此景帝之天下也吾何與焉將讓立世
子屬意於攸何曾等固爭曰中撫軍聰明神武有超世之
才髮委地手過膝此非人臣之相也由是遂定咸熙二年
五月立爲晉王太子八月辛卯文帝崩太子嗣相國晉王
位十一月乙未令諸郡中正以六條舉淹滯是時晉德旣
洽四海宅心於是天子知歷數有在乃使太保鄭冲奉策
曰咨爾晉王我皇祖有虞氏誕膺靈運受終于陶唐亦以
命于有夏惟三后陟配于天而咸用光敷聖德自茲厥後
天又輯音大命于漢火德旣衰乃眷命我高祖方軌虞夏
四代之明顯我弗敢知惟王乃祖乃父服膺昭哲輔弼我
皇家勳德光于四海格爾上下神祇罔不尅順地平天成
萬邦以乂應受上帝之命協皇極之中肆予一人祇承天

序以敬授爾位歷數實在爾躬允執其中天祿永終於戲
王其欽順天命率修訓典底綏四國公卿及河曾王沉等
固請乃從之太始元年冬十二月景寅設壇于南郊百寮
在位及匈奴南單于四夷會者數萬人柴燎告類于上帝
於是大赦改元賜天下爵人五級三年春正月癸丑白龍
二見于弘農澠池丁卯立皇子衷爲皇太子九月甲申詔
曰古者以德詔爵以庸制祿雖爲下士猶食上農外足以
奉公忘私內足以養親施惠今在位者祿不代耕非所以
崇化之本也其議增吏俸四年己未詔王公卿尹及郡國
守相舉賢良方正直言之士十二月班五條詔書於郡國
一曰正身二曰勤百姓三曰撫孤寡四曰敦本息末五日
去人事庚寅帝臨聽訟觀錄廷尉洛陽獄囚親平決焉八
年春正月癸亥帝耕于籍田二月乙亥禁雕文綺組非禮

法物詔內外群官舉任邊郡者三人帝與右將軍皇甫陶
論事陶與帝爭言散騎常侍鄭徽表請罪之帝曰讜言審
諤所望於左右也人主常以阿媚爲患豈以爭臣爲損哉
徽越職妄奏豈朕之意遂免徽官咸寧四年十一月太醫
司馬程據獻雉頭裘帝以奇伎異服非典禮所禁焚之于
殿前五年大舉伐吳遣鎮東將軍瑯琊王佃出涂中安東
將軍王渾出江西建威將軍王戎出武昌平南將軍胡奮
出夏口鎮南大將軍杜預出江陵龍驤將軍王濬廣武將
軍唐彬率巴蜀之卒浮江而下東西凡二十餘萬以太尉
賈充爲大都督行冠軍楊濟爲副總統衆軍十萬太康元
年春正月己丑朔五色氣貫日癸巳王渾尅吳尋陽賴鄉
諸城獲吳武威將軍周興二月戊午王濬唐彬等尅丹陽
城庚申又尅西陵壬戌濬又尅夷道樂鄉城甲戌杜預尅

江陵三月壬申王濬以舟師至于建業之石頭孫皓大懼
面縛輿櫬降于軍門濬杖節解縛焚櫬送于京師收其圖
籍剋州四郡四十三縣三百一十三戶五十二萬三千吏
三萬二千兵二十三萬男女二百三十萬其牧守以下皆
因吳所置除其苛政示之簡易吳人大悅乙酉大赦改元
賜酺五日恤孤老困窮九月羣臣以天下一統屢請封禪
帝謙謙弗許泰熙元年春正月辛酉改元夏四月己酉帝
崩于含章殿時年五十五在位二十五年葬峻陽陵廟號
世祖○謝靈運論曰世祖受命禎祥屢臻苛慝不作萬國
欣戴遠至邇安足以彰天啓其運民樂其功矣反古之道
當以美事爲先今五等罔刑弗由王制凡諸禮律未能是
正而採擇嬪媛不拘華門者昔武王伐紂歸傾宮之女不
以助紂爲虐而世祖平皓納吳妓五千是同皓之弊婦人

之封六國亂政如追贈外曾祖母違古之道凡此非事並
見前書誠有玷於徽猷史氏所不敢蔽也
唐太宗晉武帝紀論曰武皇承基誕膺天命握圖御寓敷
化弘道民以佚而代勞世以治而易亂絕縑綸之貢去雕
琢之飾制奢俗以變約俾澆風而反淳雅好直言留心採
擢劉毅裴楷以質直而見容嵇紹許奇雖仇讎而不棄仁
以御物寬而得衆宏略大度有帝王之量焉于時民和俗
靜家給民足聿脩武用思啓封疆次神筭於深衷斷雉圖
於議表馬隆西伐王濬南征師不延時獯虜削跡兵無血
刃楊越爲墟通近代之不通服前王之不服禎祥顯應風
教肅清天地之功成矣霸王之業大矣雖登封之禮讓而
不爲而驕泰之心因斯以起見土地之廣謂萬業而無虞
覩天下之安謂千年而永治不知處廣以思狹則廣可長

太平御覽
卷九十六
存居治而忘危則治無常治加之建立非所委寄夫才志
欲就于升平行先迎於禍亂是猶將適越者指沙漠而遵
途欲登山者涉舟航而覓路所趨逾遠所向轉難南北倍
殊高下相反求其至也不亦難乎况以新集易動之基而
無久安難拔之慮故賈充兇豎懷奸志而擁權楊駿豺狼
包禍心以專輔及乎宮車晚出諒闇未周藩翰變親以成
蹀連兵競滅其本棟梁迴忠而起僞擁衆各舉其威曾未
數年綱紀大亂以至海內版蕩宗廟播遷帝道王猷反居
文身之俗神州赤縣翻成被髮之鄉弃所大以資人掩其
小而自託爲天下笑其故何哉良由失慎於前所以貽患
於後且知子者賢父知臣者明君子不肖則家亡臣不忠
則國亂亂國不可以安也亡家不可以全也是以君子防
其始聖人閉其端而世祖惑苟勗之奸謀迷王渾之僞策

心屢移於衆口事不定於己圖元海當除而不除卒令擾
亂區夏惠帝可廢而不廢終使傾覆洪基夫全一人者德
之輕拯天下者功之重棄一子者忍之小安社稷者孝之
大況乎資三世而成業延二孽以喪身所謂取輕德而捨
重功畏小忍而忘人孝聖賢之道豈若斯乎雖則善始於
初而乖令終於未所以殷勤史策不能無慷慨焉

太平御覽卷第九十六

太平御覽卷九十七
西晉惠皇帝
趙王倫
晉書曰孝惠帝諱衷字正度武帝第二子也太始三年立
為皇太子時年九歲太熙元年四月己酉武帝崩是日太
子即皇帝位大赦改元為永熙尊皇后楊氏曰皇太后立
妃賈氏為后以太尉楊駿為太傅輔政秋八月壬午立廣
陵王適音為皇太子以中書監何劭為太子太師吏部尚
書王戎為太子太傅永平元年春正月詔改永熙二年為
永平元年又詔子弟及羣官並不得謁陵三月辛卯誅太
傅楊駿駿弟衛將軍瑤太子太保濟中護軍張劭散騎常
侍段廣楊邈左將軍劉預河南尹李斌中書令蔣俊東夷

太平御覽卷九十七

皇王部二十二

西晉惠皇帝

惠皇帝

趙王倫

附

晉書曰孝惠帝諱衷字正度武帝第二子也太始三年立
為皇太子時年九歲太熙元年四月己酉武帝崩是日太
子即皇帝位大赦改元為永熙尊皇后楊氏曰皇太后立
妃賈氏為后以太尉楊駿為太傅輔政秋八月壬午立廣
陵王適音為皇太子以中書監何劭為太子太師吏部尚
書王戎為太子太傅永平元年春正月詔改永熙二年為
永平元年又詔子弟及羣官並不得謁陵三月辛卯誅太
傅楊駿駿弟衛將軍瑤太子太保濟中護軍張劭散騎常
侍段廣楊邈左將軍劉預河南尹李斌中書令蔣俊東夷

校尉文淑尚書武茂皆夷三族壬辰大赦賈后矯詔廢皇
太后爲庶人徙于金墉城告于天地宗廟誅太后母龐氏
壬寅徵大司馬汝南王亮爲太宰與太保衛瓘輔政六月
賈后矯詔使楚王瑋音偉殺太宰汝南王亮太保菑陽公衛
瓘乙丑以瑋擅害亮瓘殺之九月辛丑徵征西大將軍梁
王彤爲衛將軍錄尚書事以趙王倫爲征西大將軍都督
雍梁二州諸軍事三年春二月己酉賈后弑皇太后于金
墉城五年冬十月武庫火焚累代之寶十二月景戊新作
武庫大調兵器六年八月秦雍氐羌悉叛推氐羌帥齊萬
年僭號稱帝圍于涇陽七年春正月癸丑周虓及齊萬年
戰於六陌王師敗績虓死之九年春正月左積弩將軍孟
觀伐氐戰于中亭大破之獲齊萬年徵征西大將軍梁王
彤錄尚書事以北中郎將河間王顒爲鎮西將軍鎮關中

成都王穎爲鎮北大將軍鎮鄴十二月壬戌廢皇太子適
爲庶人及其三子幽于金墉城殺太子之母謝氏永康元
年正月大赦改元三月癸未賈后矯詔害庶人適于許昌
夏四月辛卯日有食之癸巳梁王彤趙王倫矯詔廢賈后
爲庶人司空張華尚書僕射裴頠音隗皆遇害侍中賈
謐及黨與數十人皆伏誅甲午倫矯詔大赦自爲相國都
督中外諸軍如宣帝輔魏故事追復故皇太子位丁酉以
梁王彤爲太宰己亥趙王倫矯詔害賈庶人于金墉城五
月己巳立皇孫臧爲太孫秋八月淮南王允舉兵討趙王
倫不尅允及其二子秦王郁漢王迪皆遇害永寧元年春
正月乙丑趙王倫篡帝位景寅遷帝于金墉城號曰太上
皇改金墉曰永昌宮廢皇太孫臧爲濮陽王五星經天縱
橫無常癸酉倫害濮陽王臧三月平東將軍齊王冏俱永切

起兵以討倫傳檄州郡屯于陽翟征北大將軍成都王穎
征西大將軍河間王顥常山王乂豫州刺史李毅兗州刺
史王彥南中郎將新野公歆皆舉兵應之衆數十萬倫遣
其將閻和出伊闕張泓孫輔出瑯坂以拒罔孫會士猗許
超出黃橋以拒穎及穎將趙驥石超戰於沮音水會等大
敗棄軍走四月辛酉左衛將軍王輿尚書淮南王漼七隄反
勒兵入宮擒倫黨孫秀孫會許超士猗於離反駱休等皆斬
之遂倫歸第即日乘輿反正羣臣頓首謝罪帝曰非諸卿
之過也詔大赦改元誅趙王倫義陽王威九門侯質等及
倫之黨與五月立襄陽王尚爲皇太孫六月戊辰大赦增
吏位二等庚午東萊王蕤左衛將軍王輿謀廢齊王罔事
泄廢蕤爲庶人輿伏誅夷三族甲戌以齊王罔爲大司馬
都督中外諸軍事成都王穎爲大將軍錄尚書事河間王

顥爲太尉罷丞相復置司徒官太安元年五月癸卯以清
河王遐子覃爲皇太子賜孤寡帛大酺音甫五日以齊王罔
爲太師東海王越爲司空秋七月兗豫徐冀等四州大水
冬十月地震十二月丁卯河間王顥表齊王罔窺伺神器
有無君之心與成都王穎新野王歆范陽王虓許交同會
洛陽請廢罔還第長沙王乂奉乘輿屯南止車門攻罔殺
之幽其諸子于金墉城廢罔弟北海王寔大赦改元以長
沙王乂爲太尉都督中外諸軍事二年七月中書令卞粹
侍中馮蓀河南尹李含等貳於長沙王乂疑而害之八
月河間王顥成都王穎舉兵討長沙王乂帝以乂爲大都
督帥軍禦之庚申劉弘及張昌戰於清水斬之顥遣其將
張方穎遣其將陸機牽秀石超等來逼京師乙丑帝幸十
三里橋遣將軍皇甫商拒方於宜陽己巳帝旋軍于宣武

太平御覽 卷九十七
三
場庚午舍于石樓天中裂無雲而雷九月丁丑帝次于河
橋壬午皇甫商為張方所敗甲申帝軍于芒山丁亥幸偃
師辛卯舍于豆田癸巳帝旋于城東景申進軍緱氏擊率
秀走之大赦張方入京城燒清明開陽二門死者萬計石
超逼乘輿于緱氏冬十月壬寅帝旋于宮石超焚緱氏服
御無遺丁未破牽秀范陽王虓于東陽門外戊申破陸機
于建春門石超斬其大將軍賈崇等十六人懸首銅駝街
張方退屯十三里橋十一月辛巳星晝隕聲如雷王師攻
方壘不利方決千金堰水雒皆涸音乃發王公奴婢手春
給兵廩一品已下不從征者男子十三已上皆從役又發
奴助兵號為四部司馬公私窮蹶反于六米石萬錢詔命所
至一城而已壬寅夜赤氣竟天隱隱有聲景辰地震癸亥
東海王越執長沙王又幽於金墉城尋為張方所害甲子

大赦永興元年春正月成都王穎自鄴諷于帝乃大赦改
元為永安帝逼於河間王顥密詔雍州刺史劉沈秦州刺
史皇甫重以討之沉舉兵攻長安為顥所敗張方大掠洛
中還長安於是軍中大饑人相食以成都王穎為丞相穎
遣從事中郎成夔等以兵五萬屯十二城門殿中宿所忌
者穎皆殺之以三部兵代宿衛二月乙酉廢皇后羊氏幽
于金墉城黜皇太子覃復為清河王三月河間王顥表請
立成都王穎為太弟戊申詔曰朕以不德纂承鴻緒于茲
十有五載禍亂滔天奸逆仍起至乃幽廢重宮宗廟幾絕
成都王穎溫仁和惠尅平暴亂其以穎為皇太弟都督中
外諸軍事丞相如故秋七月景申朔右衛將軍陳琳音詔
召百寮入殿申因勒兵討成都王穎戊戌大赦復皇后羊
氏及皇太子覃己亥司徒王戎東海王越高密王簡平昌

公摸吳王晏豫章王熾襄陽王範右僕射荀藩等奉帝北
征至安陽衆二十餘萬穎遣其將石超拒戰己未六軍敗
績於蕩陰矢及乘輿百官分散侍中嵇紹死之帝傷頰中
三矢亡六璽帝遂幸超軍餒甚超進水左右奉秋桃超遣
弟熙奉帝之鄴穎帥羣官迎謁道左帝下輿涕泣其夕幸
于穎府有九錫之儀陳留王送貂蟬文鵝尾明日乃備法
駕幸于鄴唯豫章王熾司徒王戎僕射荀藩從庚申大赦
改爲建武八月戊辰穎殺東安王繇張方復入洛陽廢皇
后羊氏及皇太子覃匈奴左賢王劉元海反於離石自號
大單于安北將軍王俊遣烏丸騎攻成都王穎于鄴大敗
之穎與帝單車走洛陽御服分散倉卒上下無齋侍中黃
門被囊中賫私錢三千詔貸用所在買飯食以供宮人止
食於道中客舍宮人有持升餘粒米飯及燥蒜鹽豉以進

帝噉音啖之御中黃門布被次獲嘉市麤米飯盛以瓦孟帝
噉兩孟有老父獻蒸雞帝受之至温將謁陵帝喪履納從
者之履下拜流涕左右皆獻欷及濟河張方帥騎三千以
陽燧青蓋車奉迎方拜謁帝躬止之辛巳大赦賞從者有
差冬十一月乙未方請帝謁陵因劫帝幸長安以所乘車
入殿中帝馳避後園竹中方逼帝升車左右中黃門鼓吹
十二人步從唯中書監廬志侍側方以帝幸其壘帝令具
載宮人寶物軍人因略妻後宮分爭府藏魏晉已來所積
之物掃地無遺矣行次新安寒甚帝墮馬傷足尚書高光
奉進綿衣帝嘉之河閒王顥帥官屬步騎三萬迎于灞上
顥前拜帝下車止之以征西府爲宮唯僕射荀藩司隸劉
暉他昆反太常鄭球音求河南尹周馥音服與其遺官在洛陽
爲留臺承制行事號爲東西臺焉景午留臺大赦改元復

爲永安辛丑復皇后羊氏李雄僭號成都王劉元海僭號
漢王十二月丁亥詔曰天禍晉邦冢嗣莫繼成都王穎自
在儲貳政績虧損四海失望不可承重器其以王還第豫
章王熾先帝愛子令問日新四海注意今以爲皇太弟以
隆我晉邦以司空越爲太傅與太宰顥夾輔朕躬司徒王
戎參錄朝政光祿大夫王衍爲尙書左僕射百官皆復職
齊王冏前應還第長沙王乂輕陷重刑封其子紹爲樂平
縣王以奉其嗣自頃戎車屢征勞費人力供御之物皆減
三分之二戶調田租三分減一蠲除苛政愛人務本清通
之後當還東京大赦改元以河間王顥都督中外諸軍事
二年春正月甲午朔帝在長安夏四月景子張方廢皇后
羊氏七月東海王越嚴兵徐方將西迎大駕成都王穎部
將公師藩等聚衆攻陷郡縣害陽平太守李志汲郡太守

張延等轉攻鄴平昌公模遣將軍趙驥擊破之九月壬子
以成都王穎爲鎮軍大將軍都督河北諸軍事鎮鄴河間
王顥遣將軍呂朗屯洛陽冬十月景子詔曰得豫州刺史
劉喬檄稱潁川太守劉輿迫脅驃騎將軍虓拒逆詔命造
搆凶逆擅劫郡縣合聚兵衆擅用荀晞爲兗州斷截王命
鎮南大將軍荊州刺史劉弘平南將軍彭城王釋等各勒
所統徑會許昌與喬并力今遣右將軍張方爲大都督統
精卒十萬建武將軍呂朗廣武將軍騫勅俱建威將軍
刁默等爲軍前鋒共會許昌除輿兄弟丁丑使前車騎將
軍石超北中郎將王闡討輿等赤氣見于北方東西竟天
有星孛于北斗平昌公模遣將軍宋胄等屯河橋十一月
立節將軍周權詐被檄自稱平西將軍復皇后羊氏洛陽
令何橋攻權殺之復廢皇后十二月呂朗等東屯滎陽成

都王穎進據洛陽張方劉弘等並按兵不能禦范陽王虓
濟自官渡拔滎陽石超襲許昌破劉喬於蕭喬奔南陽右
將軍陳敏舉兵反自號楚公矯稱被中詔從沔漢奉迎天
子逐楊州刺史劉機丹陽太守王曠光熙元年春正月戊
子朔日有蝕之帝在長安河間王顥聞劉喬破大懼遂殺
張方請和於東海王越越不聽宋胄等破穎將婁哀進逼
洛陽穎奔長安甲子越遣其將祁弘宋胄司馬纂等迎帝
己亥弘等奉帝還洛陽乘牛車行宮藉草公卿跋涉六月
景辰朔至自長安升舊殿哀感流涕謁于太廟復皇后羊
氏辛未大赦改元八月以太尉東海王越錄尚書事驃騎
將軍范陽王虓爲司空九月頓丘太守馮嵩執成都王穎
送之于鄴冬十月司空范陽王虓薨長史劉輿害成都王
穎十一月庚午帝崩于顯陽殿在位十六年時年四十八

葬太陽陵帝之爲太子也朝廷咸知不堪政事武帝亦疑
焉衛瓘常侍宴撫武帝所坐床曰可惜此坐和嶠亦以爲
言曰皇太子有淳古風而季代多僞恐不了陛下家事武
帝默然不荅後武帝欲廢太子楊后曰立嫡以長不以賢
豈可動乎太子遂定及居大位政出群下紀綱大壞貨賂
公行天下爲之市賈焉帝又嘗幸華林園聞蛙聲謂左右
曰此鳴者爲官乎爲私乎或對曰在官地者爲官在私地
者爲私及天下荒亂百姓餒甚帝曰何不食肉糜其蒙蔽
皆此類也

王隱晉書曰高堂隆刻鄴宮屋材云後若干年當有天子
居此宮惠帝止鄴宮治屋者土剥更泥始見刻字計年正
合

趙王倫

晉書曰趙王倫字子彝宣帝第九子也母曰柏夫人魏嘉平初封安樂亭侯五等建改封東安子拜諫議大夫武帝受禪封琅琊郡王元康初遷征西將軍開府儀同三司鎮關中倫刑賞失中氏音低羌反叛徵還京師尋拜車騎將軍太子太傅深交賈郭誥事中宮大爲賈后所親信求錄尚書張華裴頠固執不可求尚書令華頌復不許敏懷太子之廢也使倫領右軍將軍時左衛司馬督司馬雅及常從督許超並常給事東宮二人傷太子無罪與殿中中郎士猗等謀廢賈后復太子以華頌不可移難與圖權倫執兵之要性貪冒可假以濟事乃說倫嬖人孫秀曰中宮凶妬音麤無道與賈謐等共廢太子今國無適嗣社稷將危大臣將起大事而公名奉中宮與賈郭親善太子之廢皆云預知一朝事起禍必相及何不先謀之乎秀許諾言於倫倫

納焉事將起而秀知太子聰明若還東宮將與賢人圖政量已必不得志更說倫曰太子剛猛不可私請明公素事賈后時議皆以公爲賈氏之黨今雖欲建大功於太子太子含宿怒必不加賞於明公矣當謂逼百姓之望翻覆以免罪耳此乃所以速禍也今且緩其事賈后必害太子然後廢后爲太子報讎亦足以立功豈徒免禍而已倫從之秀乃微泄其謀使謐黨頗聞之倫秀因勸謐等早害太子以絕衆望太子旣遇害倫秀之謀益甚而超雅懼後難欲悔其謀乃辭疾秀復告右衛伏飛督閭和和從之期四月三日景夜一籌以鼓聲爲應至期乃矯詔勅三部司馬日中宮與賈謐等殺害太子今使車騎入廢中宮汝等皆當從命賜爵關中侯不從誅三族於是衆皆從之倫又矯詔開門夜入陳兵道南遣胡軍校尉齊王罔將三部司馬百

人排闥入華林令駱休爲內應迎帝幸東堂遂廢賈后爲庶人幽之于建始殿召中書監侍中黃門侍郎入座皆夜入殿執張華裴頠解紹杜斌等於殿前殺之尚書始疑詔有詐郎師景露板奏請手詔倫等以爲沮衆斬之以徇明日倫坐端門屯兵北向遣尚書和郁送賈庶人于金墉尋矯詔自爲使持節大都督中外諸軍事相國侍中王如故一依宣文王輔魏故事以其世子散騎常侍奉音拱領冗從僕射子馥前將軍封濟陽王虔黃門郎封汝陰王詔況有反散騎侍郎霸城侯孫秀等皆封大郡並據兵權文武官侯封者數千人百官摠已聽於倫倫素庸下無智策復受制於秀秀之威權振於朝廷天下皆事秀而無求於倫秀起自琅琊小吏累官於趙國以諂媚自達既執機衡遂恣其姦謀多殺忠良以逞私憾前衛尉石崇黃門郎潘岳皆與

秀有嫌並見誅於是京邑君子不樂其生矣淮南王允齊王罔以倫秀驕僭內懷不平秀等亦深忌焉乃出罔鐘許奪允護軍允發憤起兵討倫允既敗滅倫加九錫增封五萬戶倫無學不知書秀亦以狡黠胡入小才貪淫昧利所共立事者皆邪佞之徒唯競榮利無深謀遠略倫秀並惑巫鬼聽妖邪之說秀使牙門趙奉詐爲宣帝神語令倫早入西宮又言宣帝於北邙爲趙王佐助於是別立宣帝廟於邙山謂逆謀可成秀等部分諸軍分布腹心使散騎常侍義陽王威兼侍中出納詔命矯作禪讓之詔使持節尚書令滿奮僕射崔隨爲副奉皇帝璽綬以禪位于倫倫爲讓不受於是宗室諸王群公卿士咸假稱符瑞天文以勸進倫乃許之左衛王輿與前軍司馬雅等率甲士入殿譬諭三部司馬示以威賞皆莫敢違其夜使張林等屯守諸

門義陽王威及駱休逼奪天子璽綬夜漏未盡內外百官以乘輿法駕迎倫惠帝乘雲母車鹵簿數百人自華林西門出居金墉城尚書和郁兼侍中散騎常侍琅耶王睿中書侍郎陸機從到城下而反使張衡衛帝實幽之也倫從兵五千人自端門登大殿極滿奮崔隨樂廣進璽綬於倫乃僭卽帝位大赦改元建始諸黨皆登卿將並列大封其餘同謀者咸超階越次不可勝紀至于奴卒廝役亦加以爵位每朝會貂蟬盈坐時人爲之諺曰貂不足狗尾續而以苟且之惠取悅人情府庫之儲不充於賜金銀冶鑄不給於印故有白板之侯君子恥服其章百姓亦知其不終矣倫親祠太廟還遇大風飄折磨蓋孫秀旣立非常之事倫敬重焉秀住文帝爲相國時所居內府事無巨細必諮而行倫之詔令秀輒改革有所與奪自書青紙爲詔或朝

令夕改者數四百官轉易如流矣時齊王冏河間王顥成都王穎並擁強兵各據一方秀知冏等必有異圖乃選親黨及倫故吏爲三王參佐及郡守秀本與張林有隙雖外相推崇內實忌之及林爲衛將軍深怨不得開府潛與拳賤具說秀專權動違衆心而功臣皆小人撓亂朝廷可一時誅之拳以書白倫倫以示秀秀勸倫誅林倫請宗室會於華林園召林秀及王輿入因收林殺之誅三族及三王起兵討倫檄至倫秀始大懼遣其中堅孫輔爲上將軍督諸軍以拒義師倫復授太子詹事劉琨節督河北將軍率步騎千人催諸軍與義軍戰于激水大敗退保河上劉琨燒斷河橋自義兵之起百官將士咸欲誅倫秀以謝天下秀知衆怒難犯不敢出省及聞河北軍悉敗憂懣音悶不知所爲義陽王威勸秀至尚書省與八座議征戰之備秀從

之使京城四品以下子弟十五以上皆詣司隸從倫出戰
內外諸軍悉欲劫殺秀秀懼自崇禮闈走還下舍衛將軍
趙泉斬秀等以徇使倫為詔曰吾為孫秀等所誤以怒三
王今已誅秀其迎太上復位吾歸老于農畝傳詔以騶音
虞幡勅將士解兵文武官皆奔走莫敢有居者黃門將倫
自華林東門出及拳皆還汝陽里第於是以甲士數千遷
迎天子于金墉城百姓咸稱萬歲帝自端門入升殿御廣
室送倫及拳付金墉城梁王彤表倫父子凶逆宜伏誅百
官會議于朝堂皆如彤表遣尚書表敞持節賜倫死飲以
金屑苦酒倫慙以巾覆面曰孫秀誤我於是收拳馥虔詔
付廷尉獄考竟百官是倫所用者皆斥免之臺省府衛僅
有存者自兵興六十餘日戰及殺害近十萬人
太平御覽卷第九十七

太平御覽卷第九十八

皇王部二十三

西晉懷帝

愍帝

東晉元帝

明帝

成帝

晉書曰孝懷皇帝諱熾字豐度武帝第二十五子也光熙
元年封豫章郡王屬惠帝之時宗室構禍帝冲素自守門
絕賓遊不交世事專玩史籍有譽於時初拜散騎常侍及
趙王倫篡見收倫敗為射聲校尉累遷車騎大將軍都督
青州諸軍事未之鎮永興元年改授鎮北大將軍都督鄴
城諸軍事十二月丁亥立為皇太弟帝以清河王覃太子
也懼不敢當典書令廬陵脩肅曰二相經營王室志寧社
稷儲貳之重宜歸時望親賢之舉非大王而誰清河幼弱

未允衆心是以既升東宮復贊藩國今乘輿播越二宮久曠常恐氏羌飲馬於涇川蠹衆控弦於灞水宜及吉辰時登儲副上翼大駕早寧東京下允黔首顛顛之望帝曰卿吾之宋昌也乃從之光熙元年十一月孝惠帝崩羊皇后以於太弟爲嫂不得爲太后催清河王覃入已至尚書閣侍中華混等急召太弟癸酉卽皇帝位大赦尊皇后羊氏爲惠皇后居弘訓宮追尊所生太妃王氏爲皇太后立妃梁氏爲皇后十二月南陽王模殺河間王顥於雍谷永嘉元年春正月癸丑朔大赦改元除三族刑以太傅東海王越輔政二月辛巳東萊人王彌起兵反寇青徐二州三月庚午立豫章王詮爲皇太子辛未大赦庚辰東海王越出鎮許昌五月馬牧帥汲桑聚衆反叛魏郡太守馮嵩遂陷鄴城害新蔡王騰燒鄴宮火旬日不滅入掠平原山陽公

劉秋遇害洛陽步廣里地陷有二鵝出色蒼者冲天白者不能飛秋七月己酉朔東海王越進屯官渡以討汲桑己未以平東將軍琅琊王睿爲安東將軍都督揚州江南諸軍事假節鎮建鄴八月己卯朔撫軍將軍苟晞音希敗汲桑於鄴十二月戊寅并州人田蘭薄盛等斬汲桑于樂陵庚子東海王越矯詔囚清河王覃于金墉城癸卯越自爲丞相以撫軍苟晞爲征東大將軍二年春正月丙子朔日有蝕之丁未大赦二月辛卯清河郡王覃爲東海王越所害冬十月甲戌劉元海僭帝號於平陽仍稱漢三年三月丁巳東海王越歸京師乙丑勒兵入宮於帝側收近臣中書令繆播帝舅王延等十餘人並害之大旱江漢河洛皆竭可涉九月景寅劉聰寇浚儀遣平北將軍曹武討之丁丑王師敗績東海王越入保京城聰至西明門越禦之戰於

宣陽門外大破之使車騎將軍王堪平北將軍曹武討劉
聰王師敗績堪奔還京師劉聰攻洛陽西明門不尅冬十
一月石勒陷長樂安北將軍王斌遇害因屠黎陽乞活帥
李憚薄盛等帥衆救京師聰退走憚等又破王彌于新汲
四年十月壬子以驃騎將軍王浚爲司空平北將軍劉琨
爲北平大將軍京師飢東海王越羽檄徵天下兵帝謂使
者曰爲我語諸征鎮若今日尚可救後則無逮矣時莫有
至者十一月甲戌東海王越帥衆出許昌以行臺自隨宮
省無復守衛荒饑日甚殿內死人交橫府寺營署並掘塹
自守盜賊公行桴鼓之音不絕越軍次項自領豫州牧鎮
東將軍周馥表迎大駕還都壽陽越使裴頡討馥爲馥所
敗走保東城請救於琅瑯王睿五年春正月帝密詔苟晞
討東海王越罪狀告方鎮討之以征東大將軍苟晞爲大

將軍景子東海王越薨五月進司空王浚爲大司馬琅瑯
王睿爲鎮東大將軍東海王越之出也使河南尹潘滔居
守大將軍苟晞表遷都倉垣帝將從之諸大臣畏滔不敢
奉詔且宮中及黃門戀賞財不欲出至是飢甚人相食百
官流亡者十八九帝召群臣會議將行而警衛不備帝撫
手歎之曰如何曾無車輿乃使司徒儻祇出詣河陰脩理
舟楫爲水行之備朝士數十人導從帝步出西掖門至銅
駟街爲盜所掠不得進而還六月癸未劉曜王彌石勒同
寇洛川王師頻爲賊所敗死者甚衆庚寅司空苟藩光祿
大夫荀組奔轅轅太子左率溫畿夜開廣莫門奔小平津
丁酉劉曜王彌入京師帝開華林園門出河陰藕池欲幸
長安爲曜等所追及曜等遂焚燒宮廟逼辱妃后吳王晏
竟陵王棼音茂尚書左僕射和郁等皆遇害百官士庶死者

三萬餘人帝蒙塵於平陽劉聰以帝爲會稽公荀藩移檄州鎮以琅瑯王爲盟主豫章王端東奔荀晞晞立爲皇太子自領尚書令具置官屬保梁國之蒙縣百姓飢米斛萬餘價八月劉聰使子粲攻陷長安太尉征西將軍南陽王模遇害長安遺人四千餘家奔漢中九月癸亥石勒襲陽夏至于蒙縣大將軍荀晞豫章王端並沒于賊六年春正月帝在平陽九月辛巳前雍州刺史賈疋討劉粲於三輔走之關中小定乃與衛將軍梁芬京兆太守梁綜共奉秦王鄴爲皇太子於長安七年春正月劉聰大會使帝著青衣行酒侍中庾珉號哭聰惡之丁未帝遇弒崩于平陽在位七年時年三十

晉陽秋日懷帝天姿清劭少有聲名若遭承平之世足爲守文佳主而繼惠帝擾亂之後東海專政祿去王室無幽厲之釁而有犬戎之禍悲夫

愍皇帝

晉書曰愍皇帝諱鄴字彥旗武帝孫吳孝王晏之子也出繼伯父秦獻王東襲封秦王永嘉二年拜散騎常侍撫軍將軍及洛陽傾覆避難於滎陽密縣與舅荀藩荀組相遇自密南趣許穎豫州刺史閻鼎與前撫軍長史王毗司徒長史劉疇中書郎李昕及藩組等同謀奉帝歸于長安而疇等中途復叛鼎追殺之藩組僅而獲免鼎遂扶帝乘牛車自宛趣武關歸於長安頻遇山賊士卒亡散次于藍田鼎告雍州刺史賈疋疋遽遣州兵迎衛達于長安又使輔國將軍梁綜助守時有玉龜出霸水神馬鳴城南六年九月辛巳奉秦王爲皇太子登壇告類建宗廟社稷大赦加疋征西將軍以秦州刺史南陽王保爲大司馬賈疋討賊

張連遇害衆推始平太守麴允領雍州刺史爲盟主承制
選置建興元年夏四月景午奉懷帝崩問舉哀成禮壬申
卽皇帝位大赦改元以衛將軍梁芬爲司徒雍州刺史麴
允爲使持節領軍將軍錄尚書事京兆太守索綝爲尚書
右僕射五月詔琅琊王曰朕以冲昧纂承洪緒未能梟夷
凶逆奉迎梓宮枕戈煩寃肝心抽裂前得魏浚表知公帥
先三軍已據壽春傳檄諸侯協齊威勢想今漸進已達洛
陽涼州刺史張軌乃心王室連旗萬里已到汧隴梁州刺
史張光亦遣巴漢之卒屯在駱谷秦川驍勇其會如林聞
遣使適還具知平陽定問云幽并隆盛餘胡衰破然猶恃
險當須大舉未知公今所到是以息兵秣馬未便進軍今
爲已至何許當須來旨使乘輿自出會除中原也公宜思
弘謀猷勗濟遠略使山陵旋反四海有賴故遣殿中都尉

劉蜀蘇馬等具宣朕意公茂德昵屬宜隆東夏恢融六合
非公而誰但洛都陵廟不可空曠公宜鎮撫以綏山東右
丞相當入輔弼追蹤周邵以隆中興也二年秋七月劉曜
趙冉等又逼京都領軍將軍麴允討破之四年七月劉曜
攻北地麴允帥步騎三萬救之王師不戰而潰北地大守
麴昌奔于京師曜進至涇陽渭北諸城悉潰建威將軍魯
充散騎常侍梁緯少府皇甫陽等皆死之八月劉曜逼京
師內外斷絕鎮西將軍焦嵩平東將軍宋哲始平太守竺
恢等同赴國難麴允與公卿守長安小城以自固散騎常
侍華輯監京兆馮翊弘農上洛四部兵東屯霸上鎮軍將
軍胡崧帥城西諸郡兵屯遮馬橋並不敢進冬十月京師
飢甚米汁金二兩人相食死者太半太倉有麴數十餅麴
允屑爲粥以供帝至是復盡帝泣謂允曰今窘厄如此外

無救援死於社稷是朕事也然念將士暴離斯酷今欲聞
城未陷爲羞死之事庶令黎元免屠爛之苦行矣遣書朕
意決矣十一月乙未使侍中宋敞送牋於暉帝乘羊車肉
袒銜璧興觀出降群臣號泣攀車執帝之手帝亦悲不自
勝御史中丞吉朗自殺暉焚觀受璧使宋敞奉帝還宮初
有童謠曰天子何在豆田中時王浚在幽州以豆有藿殺
隱士霍原以應之及帝如暉營實_實在城東豆田壁辛丑
帝蒙塵於平陽麴允及群官並從劉聰假帝光祿大夫懷
安侯壬寅聰臨殿帝稽首于前麴允伏地慟哭因自殺五
年春正月帝在平陽庚子虹霓彌天三日並照平東將軍
宋哲奔江左十一月劉聰出獵令帝行車騎將軍戎服執
戟爲導百姓聚而觀之故老或歔歔流涕聰後因大會使
帝行酒洗爵反而更衣又使帝執蓋晉臣在座多失聲而

泣尚書郎辛賓抱帝慟哭爲聰所害十二月戊戌帝遇弒
崩于平陽在位五年時年十八帝之繼皇統也屬永嘉之
亂天下崩離長安城中戶不盈百牆宇頽毀蒿棘成林朝
廷無車馬章服唯桑板署號而已衆唯一旅公私有車四
乘器械多闕運饋不繼巨猾滔天帝京危急諸侯無釋位
之志征鎮闕勒王之譽故君臣窘迫以至殺辱

東晉元皇帝

晉書曰元皇帝諱睿字景文宣帝曾孫琅耶恭王覲之子
也咸寧二年生於洛陽有神光之異一室盡明所藉藁如
始刈及長白毫生於日角之左隆準龍顏目有精曜顧眄
煒如也年十五嗣位琅耶王幼有令問惠皇之際王室多
故每恭儉退讓以免于禍沈敏有度量不顯灼然之跡故
時人未之識焉唯侍中嵇紹異之謂人曰琅耶王毛骨非

常殆非人臣之相元康二年拜員外散騎常侍累遷左將軍從討成都王穎湯陰之敗叔父東安王繇爲穎所害帝懼禍及將出奔其夜月正明而禁衛嚴警無由得去甚窘迫有頃雲霧晦冥雷雨暴至徼者皆弛因得潛出穎先令諸關無得出貴人帝旣至河陽爲津吏所止從者宋典後來以策鞭帝馬而笑曰舍長官禁貴人汝亦被拘耶吏乃聽過至洛迎太妃歸國東海王越之收兵下邳也假帝輔國將軍尋加平東將軍都督揚州諸軍事越西迎大駕留帝居守永嘉初用王導計始鎮建業以顧榮爲軍司馬賀循爲參佐王敦王導周顛音擬刁協等爲腹心股肱賓禮名賢存問風俗江東歸心焉及懷帝蒙塵于平陽司空荀藩等移檄天下推帝爲盟主愍帝即位加左丞相歲餘進位丞相大都督中外諸軍事建武元年春二月辛巳平東將

軍宋哲至宣愍帝詔曰時遭屯否皇綱不振朕以寡德奉承洪緒不能祈天永命紹隆中興至使凶胡敢帥犬羊逼迫京輦朕今幽塞窮城憂慮萬端恐一旦崩潰卿指詣丞相具宣朕意使攝萬機時據舊都脩復陵廟以雪大恥三月帝素服出次舉哀三日西陽王彙及羣僚參佐州郡牧守等上尊號帝不許彙等以死固請至于再三帝慨然流涕曰孤罪人也唯有蹈節死義以雪天下之恥庶贖鉄鉞之誅吾本琅耶王諸賢見逼不已乃呼私奴命駕將反國群臣乃不敢迫請依魏晉故事爲晉王許之辛卯卽王位大赦改元太興元年春正月戊申朔臨朝愍而不樂三月癸丑愍帝崩問至帝斬纓居廬景辰百寮上尊號卽皇帝位詔曰昔我高祖宣皇帝誕膺期運廓開王基景文皇帝奕世重光緝熙諸夏爰暨世祖應天順時受茲明命功格

天地仁濟宇宙昊天不融降此鞠凶懷帝短世越去王都
天禍荐臻大行皇帝崩殂社稷無奉肆群后三司六事之
人疇諮庶尹至于華戎致輯大命于朕躬予一人畏天之
威罔弗敢違遂登壇南面受終文祖燔柴頒瑞告類上帝
惟朕寡德續戎洪緒若涉大川罔知攸濟惟爾股肱爪牙
之位文武熊羆之臣用能弼寧晉室輔予一人思與萬國
共茲休慶於是大赦改元庚午立太子紹爲皇太子永昌
元年春正月乙卯大赦改元戊辰大將軍王敦舉兵於武
昌以誅劉隗爲名龍驤將軍沈充帥衆應之三月徵征西
將軍戴若思鎮北將軍劉隗還衛京都劉隗軍于金城右
將軍周禮守石頭帝被甲徇六師於郊外遣平南將軍陶
侃領江州安南將軍甘卓領荊州各帥所統以躡敦後夏
四月敦前鋒攻石頭周禮開城應賊奮威將軍侯禮死之

敦據石頭戴若思劉隗帥衆攻之王導周顛郭逸虞潭等
三道出戰六軍敗績尚書令刁協奔于江乘爲賊所害鎮
北將軍劉隗奔于石勒帝遣使謂敦曰公若不忘本朝於
此息兵則天下尙可安也如其不然朕當歸于琅耶以避
賢路辛未大赦敦自爲丞相都督中外諸軍錄尚書事封
武昌郡公邑萬戶十一月己丑帝崩于內殿在位六年時
年四十七葬平陵廟號中宗○孫盛晉陽秋曰昔秦始皇
東遊望氣者云五百年後東南金陵之地有天子氣於是
始皇改曰秣陵吳人以爲孫權帝之表也盛案始皇遊歲
至權僭號四百三十七年考之年數既不合校之基守又
非倫豈應帝王之符而見兆於上代乎有晉金行奄君四
海金陵之祥其在斯乎且秦政東遊至是五百二十六年
所謂五百年之後當有王者也又孫皓將亡吳郡臨蕪湖

一夜草木自除于湖邊得石函中有小石青白色長四尺廣二寸餘上有白帝字時人莫察其祥意者豈中宗興五湖之徵歟太康三年建業有寇餘姚人任振以周易筮之日寇已滅矣後三十八年揚州當有天子又太安中童謡曰五馬浮渡江一馬化爲龍永嘉大亂王室淪覆唯琅耶西陽汝南南頓彭城五王獲濟至是中宗登祚先是歲鎭熒惑太白四聚於牛斗之間五鐸又見于晉陵冥數玄感若合符契焉又初玄石圖有牛繼馬後故宣帝深忌牛氏遂爲二楹共一口以貯酒帝先飲佳者以毒者酖其將牛金而恭王妃夏氏通小吏牛欽而生元帝亦有符云世說曰元帝始過江謂願驃騎曰寄人國事志常懷慙榮跪答曰臣聞王者天下爲家是以耿毫無定處九鼎遷洛邑願陛下無復爲念

又曰元帝正會引丞相王導登御床王公既固辭中宗引之彌苦文獻曰使太陽與萬物同暉臣下何以仰瞻

明皇帝

晉書曰明皇帝諱紹字道畿元皇帝長子也幼而聰哲爲元帝所寵異年數歲嘗坐置膝前屬長安使來因問帝曰汝謂日與長安孰遠對曰長安近不聞人從日邊來居然可知也元帝異之明日宴群寮又問之對曰日近元帝失色曰何乃異聞者之言對曰舉目則見日不見長安由是益奇之建興初拜東中郎將鎮廣陵元帝爲晉王及卽帝位爲皇太子性至孝有文武才略永昌元年閏月己丑元帝崩庚寅太子卽皇帝位大赦尊所生荀氏爲皇太后太寧元年三月戊寅朔改元臨軒停饗宴之禮懸而不樂二年夏五月王敦矯詔拜其子應爲武衛將軍兄含爲驃騎

大將軍帝所親信常從督公乘雄舟曾並爲敦所害六月
敦將舉兵內向帝密知之乃乘巴滇駿馬微行至于湖陰
察敦營壘而出軍士疑帝非常人又敦晝寢夢日環其城
驚起曰此必黃鬚鮮卑奴來也帝母荀氏燕代人帝狀類
外氏鬚黃敦故爲帝云於是使五騎物色追帝帝亦馳去
僅以獲免秋七月壬申朔敦遣其兄含及錢鳳周撫鄧岳
等水陸五萬至于南岸南温嶠移屯水北燒朱爵柎以挫
其鋒帝躬帥六軍出次南堂至癸酉夜募壯士遣將軍段
秀中軍司馬曹渾左衛參軍陳嵩鍾寅等甲卒千人渡水
掩其未備平旦戰於越城大破之斬其前鋒將何康王敦
憤惋而死三年春二月戊戌復三族刑唯不及婦人三月
戊辰立皇太子衍爲皇太子大赦增文武位二等大醮三
日賜鰥寡孤獨帛閏八月壬午帝不豫召太宰西陽王羨

司徒王導尚書令卞壺車騎將軍郗鑒護軍將軍庾亮領
軍將軍陸曄丹陽尹温嶠並受遺詔輔太子戊子帝崩于
東堂在位三年時年二十七葬武平陵廟號肅祖
晉陽秋曰明帝文武鑒斷初在東宮敬禮賢士昵近明德
自王導庾亮温嶠栢彝阮放皆見親待分好綢繆雅好辭
章談論辯明理義與二三君子並著詩論粲然可觀于時
東宮號爲多士王敦旣平思求民瘼詔尚書令僕射尚書
曰吾飢於食直言渴於求亮正想諸君達此懷矣予違汝
弼堯舜之相君臣吾雖虛闇庶不距逆耳之談稷契之任
諸君居之矣望共勗之○世說曰晉明帝欲起池臺元帝
不許之明帝爲太子好養武士夕中作池比曉便成卽今
謂太子池是也

成皇帝

晉書曰成皇帝諱衍字世根明帝長子也大寧三年三月
戊辰立爲皇太子閏月戊子明帝崩己丑太子即皇帝位
大赦增文武位二等賜鰥寡孤老帛人二疋尊皇后庾氏
爲皇太后秋七月癸卯皇太后臨朝稱制咸和元年春二
月丁亥大赦改元大酺五日賜鰥寡孤老米人二斛二年
十一月豫州刺史祖約歷陽太守蘇峻等反十二月辛亥
蘇峻使其將韓晃入姑孰屠蕪湖三年二月庚戌峻至于
蔣山假領軍將軍卞壺節六師及峻戰于西陵王師敗績
景辰峻攻青溪柵因風縱火王師又大敗尚書令領軍將
軍卞壺丹陽尹羊憲黃門侍郎周導廬江太守陶瞻並遇
害死者數千人庾亮又敗于宣陽門內遂攜其諸弟與郭
默趙裔奔尋陽於是司徒王導右光祿大夫陸曄荀崧等
衛帝於太極殿太常孔愉守宗廟賊乘勝麾戈接於帝座

突入太后後宮左右侍人皆見掠奪是時太官惟有燒餘
米數石以供御膳百姓號泣震響都邑丁巳峻矯詔大赦
又以祖約爲侍中太尉尚書令自爲驃騎將軍錄尚書事
五月乙未峻逼遷天子于石頭帝哀泣升車宮中慟哭峻
以倉屋爲宮九月戊申司徒王導奔于白石庚午陶侃使
督護楊謙攻峻于石頭溫嶠庚亮陣于白石竟陵太守李
陽拒賊南徧峻輕騎出戰墜馬斬之衆遂大潰賊黨復立
峻弟逸爲帥四年二月大雨霖丙戌諸軍攻石頭李陽與
蘇逸戰于祖浦陽軍敗建威長史滕含以銳卒擊之逸等
大敗含奉帝御于溫嶠舟群臣頓首號泣請罪丁亥大赦
時大兵之後宮闕灰燼以建平園爲宮甲午蘇逸以萬餘
人自延陵湖將入吳興乙未將軍王允之及逸戰于溧陽
獲之咸康元年春正月庚午朔帝加元服大赦改元增文

太平御覽卷第九十八
武位一等大醮三日賜鰥寡孤獨不能自存者米八石斛
二月揚州諸郡饑遣使賑給入年夏六月庚申帝不豫詔
曰朕以眇年獲嗣洪緒託于郡公之上於茲十有八年未
能闡融政道翦除逋寇夜戰競匪遑寧處今遘疾殆不
興是用震悼于厥心千齡眇眇未堪艱難司徒琅耶王岳
親則母弟體則仁長君人之風允塞時望肆爾郡公卿士
其輔之以祗奉祖宗明祀協和內外允執其中嗚呼敬之
哉無墜祖宗之顯命壬辰引武陵王晞會稽王昱中書監
庾冰中書令何充尚書令諸葛恢受顧命癸巳帝崩于西
堂在位十七年時年二十二葬興陵廟號顯宗

太平御覽卷第九十八

太平御覽卷第九十九

皇王部二十四

東晉康皇帝

穆皇帝

哀皇帝

廢帝海西公

簡文皇帝

孝武皇帝

康皇帝

晉書曰康皇帝諱岳字世同成帝母弟咸和元年封吳王
二年徙封琅耶王九年拜散騎常侍加驃騎將軍咸康五
年遷侍中司徒八年六月庚寅成帝不豫詔以琅耶王為
嗣癸巳成帝崩甲午即皇帝位大赦己亥封成帝子丕為
琅耶王奕為東海王時帝諒陰不言委政于庾冰何充十
二月壬子立皇后褚氏建元元年春正月改元賑恤鰥寡
孤獨三月以中書監庾冰為車騎將軍二年九月丙申立
皇子聃為皇太子戊戌帝崩于式乾殿在位三年時年二

十三葬崇平陵初成帝有疾中書令庾冰自以舅氏當朝
權侔人主恐異世之後戚屬將踈乃言國有強敵宜立長
君遂以帝爲嗣制度年號再興中朝因改元曰建元或謂
冰曰郭璞讖云立始之際丘山傾立者建也始者元也丘
山諱也冰瞿然旣而歎曰如有吉凶豈改易所能救乎至
是果驗云

穆皇帝

晉書曰穆皇帝諱聃字彭子康帝子也建元二年九月景

申立爲皇太子戊戌康帝崩己亥卽皇帝位時年二歲大
赦尊皇后爲皇太后壬寅皇太后臨朝攝政永和元年春
正月甲戌朔皇太后設白紗帷於太極殿抱帝臨軒改元
二年十一月辛未安西將軍相溫帥征虜將軍周撫輔國
將軍譙王元忌建武將軍表喬伐蜀拜表輒行十二月枉
矢自東南流于西北其長半天三年春三月相溫攻成都
尅之李勢降益州平十年二月己丑太尉征西將軍相溫
帥師伐關中廢楊州刺史昉浩爲庶人六月符健將符雄
悉衆及相溫戰于白鹿原王師敗績九月相溫以糧盡遂
還升平元年春正月壬戌朔帝加元服告于太廟始親萬
機大赦改元增文武位一等皇太后居崇德宮五年五月
丁巳帝崩顯陽殿在位十七年時年十九葬永平陵廟號
孝宗

哀皇帝

晉書曰哀皇帝諱丕字千齡成帝長子也咸康八年封為琅耶王永和九年拜散騎常侍十二年加中軍將軍升平三年除驃騎將軍五月丁巳穆帝崩皇太后令曰帝奄不救疾胤嗣未建琅耶王丕本中興正統明德懋親昔在咸康屬當儲貳以年在幼沖未堪國難故顯宗高讓今議望情地莫與為比其以王奉大統於是百官備法駕迎于琅耶第庚申即皇帝位大赦八月己卯夜天裂廣數丈有聲如雷九月戊申立皇后王氏穆帝皇后何氏稱永安宮興寧元年九月壬戌大司馬桓溫帥眾北伐癸亥以皇子生大赦二年二月癸卯帝親耕籍田三月庚戌朔大閱人戶嚴法禁辛亥帝不豫帝雅好黃老斷穀餌長生藥服食過多遂中毒不識萬機崇德太后復臨朝攝政三年二月景

申帝崩于西堂在位四年時年二十五葬安平陵

晉書曰廢帝諱奕字延齡哀帝母弟也咸康八年封為東

海王永和八年拜散騎常侍尋加鎮軍將軍升平四年拜車騎將軍五年改封琅耶王隆和初轉侍中驃騎大將軍開府儀同三司興寧三年二月景申哀帝崩無嗣丁酉皇太后詔曰帝遂不救厥疾艱禍仍臻遺緒泯然哀慟切心琅耶王奕明德茂親屬當儲副宜奉祖宗纂承大統便速正大禮以寧人神於是百官奉迎于琅耶第是日即皇帝位大赦太和四年大司馬桓溫帥眾伐慕容暉秋七月辛卯暉將慕容垂帥眾拒溫溫擊敗之九月戊寅桓溫裨將鄧遐朱序遇暉將傅末波於林渚又大破之戊子溫至枋頭景申以糧運不繼焚舟而歸六年十一月癸卯桓溫自

廣陵屯于白石下未詣闕因圖廢立詎帝在藩夙有痿疾
嬖人相寵計好朱靈寶等參侍內寢而二美人田氏孟氏
生三男長欲封樹時人惑之溫因諷太后以伊霍之舉已
酉集百官于朝堂宣崇德太后令曰王室艱難穆哀短祚
國嗣不育儲宮靡立琅耶王奕親則母弟故以入纂大位
不圖德之不建乃至於斯昏濁潰亂動違禮度有此三孽
莫知誰子人倫道喪醜聲遐布既不可以奉守社稷敬承
宗廟且昏孽並大便欲建樹儲藩誣罔祖宗傾移皇基是
而可忍孰不可懷今廢奕爲東海王以王還第供衛之儀
皆如漢朝昌邑故事初桓溫有不臣之志欲先立功河朔
以收時望及枋頭之敗威名頓挫遂潛謀廢立以長威權
然憚帝守道恐招時議以宮闈重闕牀第易誣乃言帝爲
闈遂行廢辱初帝平生每以爲慮嘗召術人扈謙筮之卦

成荅曰晉室有盤石之固陛下有出宮之象音如其言咸
安二年正月降封帝爲海西縣公

臧榮緒晉書曰太和元年桓溫表率方伯北伐秋九月溫
以王師敗績于枋頭溫自廣陵屯于白石集百官于朝堂
稱崇德太后詔廢帝爲東海王妖賊盧悚遣弟殿中監許
龍晨到其門稱太后密詔奉迎興復帝曰我得罪在此幸
蒙寬宥豈敢妄動且太后有詔便應官屬來迎何得如此
必狂亂因叱左右縛之龍懼逸走由是朝廷以帝安於屈
辱無僥倖之望不復懷疑帝亦知天命不再而深慮人禍
乃閉聰塞明無思無慮終日酣暢耽于內寵有子不養庶
保天年吳民憐之爲作歌謠帝崩于吳宮年三十五因葬
吳地

續晉陽秋曰帝少同闈人之疾而黜北左右初在東海琅

耶因親近嬖人相寵計好朱靈寶等並侍卧內美人田氏
遂生三男衆致疑惑然莫能審其虛實至是將建儲貳大
司馬温因之以定廢立之計遂率百僚並還朝堂本省温
平旦以衆入分兵屯宮門呈草於皇太后曰今廢奕爲東
海王以還第供衛之儀如漢朝昌邑故事丞相錄尚書事
會稽王昱體自中宗明德劭令民望依係爲日已久宜順
天人以統皇極主者明依舊典以時施行但未亡人不幸
罹此百憂感念存沒心焉如割社稷大計議不獲已臨紙
悲塞如何可言時太后在佛屋燒香內侍啓云外有急奏
太后乃出堂倚戶前視表數行乃曰我本自疑此至半便
止求筆題奏後云未亡人離此百憂感念存沒心焉如割
温奏未有此十五字卽奏遂迴換內之

簡文帝

晉中興書曰太宗簡文帝諱昱字道成中宗少子也母曰
鄭夫人永昌二年封琅耶王咸和元年鄭夫人薨上時年
七歲哀號守誠乞得服重朝議哀之故從封會稽王康獻
皇后臨朝建位撫軍大將軍錄尚書六條事二年驃騎將
軍何充薨皇太后詔上內摠萬機海西公即位七月以琅
耶王封絕復徙上爲琅耶王封子昌明爲會稽王固讓不
受太和元年十月詔以爲丞相尚書入朝不趨讚拜不名
劔履上殿給羽葆鼓吹班劔六十人固讓不受海西公廢
於是大司馬温及百官進太極前殿具乘輿法駕奉迎於
朝堂變服著平巾幘單衣東向拜受璽流涕即位改太和
六年爲咸安元年乙卯廢太宰武陵王爲庶人二年七月
上不豫己未立皇太子昌明爲皇太子封皇子道子爲琅
耶王領會稽國是日帝崩于東堂在位一年時年五十二

續晉陽秋曰相溫始以雄盛入輔係以廢立帝雖登祚內不自安初熒惑入太微尋廢海西公至是熒惑猶在太微帝惡之謂郗超曰命之脩短本所不計故當無復近日事耶超云大司馬臣溫方內固社稷外布經略非常之事臣以百口保之假還東帝謂之曰致意尊公家國事一至於此由吾不能以道自衛思患預防愧歎之深言何能喻又誦庾闡詩云士痛朝危臣哀主辱因泣下及不預詔溫曰吾遂委頓足下便下冀得相見又詔曰不謂疾患遂至於此今者憊然勢不復久且雖有詔豈復相及慨恨兼深如何可言天下艱難而昌明幼冲眇然非阿衡輔導之計當何以寧濟社稷國事家計一託之於公

又曰帝以太興三年生弱而慧異中宗深器焉及長美風姿好清言舉止端詳器服陳素與劉恢王濛等爲布衣之

友出登庸歷位散騎常侍右將軍撫軍將軍以懿親民望任登宰輔值穆帝幼冲母后臨朝相溫有平蜀洛之勳擅強西陵帝於家國之寄具瞻所歸而自斷之弱無以抗之陳郡人殷浩素有盛名時論比之管葛又琅耶王洽丞相導子既是名公子少有聲望乃以浩爲湘州刺史洽爲長史徐州刺史葛羨亦以清貴居藩同心憂國溫見此樹置知在抗己溫旣以雄武專朝任兼將相悉衆北討以成樂推之勢及枋頭奔敗知民望之去乃屠豫州刺史表眞於壽陽城旣而問郗超曰足下何以雪枋頭之恥乎超因說溫以廢立之事溫旣宿有此謀深納超言旣廢昏立明民人悅服然恭己南面政自溫出帝性韻深沈雅有局鎮常與太宰武陵王晞相溫同乘至板橋溫密勅令無因而鳴角鼓譟部伍並皆驚馳溫佯爲駭異而晞大震驚急求下

車帝舉止自若音顏不變溫每以此稱其德量故論者謂服憚之深若假帝脩年則溫纂逆之圖絕矣世說曰桓公既廢太宰武陵王晞父子仍上表云應割近情以存遠計欲除太宰父子可無後憂簡文手荅表云所不忍言况過於言桓公得此荅又重有表辭轉苦切爲家國之計必應行事簡文復手荅云若使晉室靈長明公便應奉詔書若太運去矣請避賢路桓公讀詔手戰汗流而止遠徙新安而已

孝武帝

晉書曰孝武皇帝諱曜字昌明簡文帝第三子也興寧三年七月甲申封會稽王咸安二年秋七月己未立爲皇太子是日簡文帝崩太子卽皇帝位詔曰朕以不造奄丁憫凶號天扣地靡知所訴藐然幼冲眇若綴旒深爲社稷之

重大懼不尅負荷仰憑祖宗之靈積德之祀先帝淳風玄德遺詠在民宰輔英賢勳隆德盛願命之託寔賴匡訓羣后率職百僚勤政翼孤弱之躬有寄皇極之基不墜先恩遺惠播于四海思弘餘潤以康黎庶其大赦天下與民更始九月甲寅追尊皇妣會稽王妃曰順皇后冬十一月甲午妖賊盧悚晨入殿庭游擊將軍毛安之討擒之是歲三吳大旱人多餓死詔所在賑給寧康元年春正月改元二月大司馬桓溫來朝秋七月己亥使持節侍中都督中外諸軍事丞相錄尚書大司馬揚州牧平北將軍徐兗二州刺史南郡公桓溫薨三年九月帝講孝經冬十月癸酉日有蝕之十二月甲申神獸門災癸未皇太后詔曰頃者日蝕告變水旱不適雖尅己思救未盡其方賜百姓窮者米八五斛癸巳帝釋奠于中室祠孔子以顏回配泰元元年

太平御覽 卷九十九 七
春正月帝加元服見于太廟皇太后歸政甲辰大赦改元
景午帝始臨朝六年春正月帝初奉佛法立精舍于殿內
引諸沙門以居之八年八月符堅師衆渡淮遣征討都督
謝石冠軍將軍謝玄輔國將軍琰西中郎將桓伊等拒之
九月詔司徒琅邪王道子錄尚書六條事冬十月符堅弟
融陷壽春乙亥諸將及符堅戰於淝水大破之俘斬數萬
計獲堅輿輦及雲母車十二年六月癸卯東帛聘颺士戴
逵龔玄之秋八月辛巳立皇子德宗爲皇太子大赦二十
一年九月庚申帝崩于清暑殿在位二十四年時年三十
五葬隆平陵帝幼稱聰悟簡文之崩也時年十歲至晡不
臨左右進諫荅曰哀至則哭何常之有謝安嘗歎以爲精
理不減先帝既威權已出雅有人主之量旣而溺於酒色
殆爲長夜之飲末年長星見帝心甚惡之夜於華林園舉

酒祝之曰長星勸汝一杯酒自古何有萬歲天子耶太白
連年晝見地震水旱爲變者相屬醒日旣少而傍無正人
竟不能改焉時張貴人有寵年三十帝戲之曰汝以年當
廢矣貴人潛怒向夕帝醉遂暴崩時道子昏惑元顯專權
竟不推其罪初以簡文帝見讖云晉祚盡昌明及帝之在
孕也李太后夢神人謂之曰汝生男以昌明爲字及產東
方始明因以名焉簡文帝後悟乃流涕及爲清暑殿讖者
以爲清暑反爲楚聲哀楚之徵也俄而帝崩晉祚自此傾
矣

續晉陽秋曰初帝耽於色末年殆爲長夜之飲醒治旣少
多居內殿留連於盤薄之間時張貴人寵冠後宮委行闔
內年幾三十帝妙列伎樂陪侍嬪少乃笑而戲之云汝已
年廢矣吾已屬諸妹少矣貴人潛怒上不覺上稍醉卧貴

人遂令其婢蒙之以被既絕云以魘崩至丑時方遷登太極前殿。○異苑曰晉孝武太元末帝每聞手巾箱中有鼓吹鼙角之響於是請僧齋會夜見一臂長三丈許手長數尺來摸經案晉祚自此而衰

太平御覽卷第九十九

太平御覽卷第一百

皇王部二十五

東晉安皇帝

安皇帝

相玄

恭皇帝

晉書曰安皇帝諱德宗孝武帝長子也泰元十二年立為皇太子二十一年九月庚申孝武崩辛酉太子即位大赦癸亥以司徒會稽王道子為太傅攝政隆安元年春正月己亥朔帝加元服改元增文武位一等太傅會稽王道子歸政四月甲戌兗州刺史王恭豫州刺史庾楷舉兵以討尚書左僕射王國寶建威將軍王緒為名甲申殺國寶及緒以悅于恭恭乃罷兵二年七月兗州刺史王恭豫州刺史庾楷荊州刺史殷仲堪廣州刺史相玄南蠻校尉楊佺期等舉兵反八月江州刺史王愉奔于臨川九月加太傅

會稽王道子黃鉞遣征虜將軍會稽王元顯等討栢玄等
輔國將軍劉牢之次新亭使子劬宣擊敗恭恭奔曲阿長
塘湖湖尉收送京師斬之尋遣太常殷茂諭仲堪及玄玄
等走于尋陽三年十一月妖賊孫恩陷會稽內史王凝之
死之吳國內史栢謙等並委官而遁遣衛將軍謝琰等逆
擊走之四年五月孫恩寇浹口謝琰為孫恩所陷死之恩
轉寇臨海六月輔國司馬劉裕破恩于南山恩將盧循陷
廣陵元興元年正月庚午朔大赦改元以後將軍元顯為
驃騎大將軍征討大都督鎮北將軍劉牢之為元顯前鋒
將軍譙王尚之為後部以討栢玄二月景午帝戎服餞元
顯于西池丁巳遣兼侍中齊王柔之以騶虞幡宣告荆江
二州丁卯栢玄敗王師于姑孰壬申栢玄自為侍中丞相
錄尚書事二年春二月辛丑建威將軍劉裕破徐道覆于

東陽乙卯栢玄自稱大將軍丁巳冀州刺史孫無終為栢
玄所害秋八月玄又自號相國楚王九月南陽太守庾仄
起義兵為玄所敗冬十一月壬午玄遷帝于永安宮癸未
移太廟神主于琅耶國十二月壬辰玄篡位以帝為平固
王辛亥帝蒙塵于尋陽三年春二月帝在尋陽庚寅夜濤
水入石頭漂殺人戶己卯建武將軍劉裕帥沛國劉毅東
海何無忌等舉義兵景辰斬栢玄所署徐州刺史栢脩于
京口及青州刺史栢弘于廣陵丁巳義師濟江三月戊午
劉裕斬玄將吳甫之于江乘斬皇甫敷於羅落己未栢玄
眾潰而逃庚申劉裕置留臺具百官壬戌栢玄司徒王謐
推劉裕行鎮軍將軍徐州刺史都督楊徐兗豫青冀幽并
八州諸軍事假節劉裕以謐領揚州刺史錄尚書事辛酉
劉裕誅尚書左僕射王愉及愉子荊州刺史綏司州刺史

太平御覽 卷一百
溫詳辛未栢玄逼帝西上景戌密詔以幽逼於玄萬機虛曠令武陵王遵依舊典承制摠百官行事加侍中餘如故并大赦謀反大逆已下唯栢玄一祖之後不宥夏四月己丑大將軍武陵王遵稱制總萬機庚寅帝至江陵庚戌輔國將軍何無忌振武將軍劉道規及栢玄將庾稚何澹之戰于湓口大破之玄復逼帝東下五月癸酉冠軍將軍劉毅及玄戰于崢嶸洲又破之己卯帝復幸江陵辛巳荊州別駕王康產南郡太守王騰之奉帝居于南郡壬午督護馮遷斬栢玄於南貊盤洲乘輿反正于江陵閏月己丑栢玄楊武將軍栢振陷江陵帝復蒙塵于賊營義熙元年正月帝在江陵太守魯宗之起義兵襲破襄陽己丑劉毅次于馬頭栢振以帝屯于江津辛卯宗之破振將溫措于柞溪進次紀南爲振所敗振武軍劉道規擊栢謙走之乘輿

反正帝與琅耶王幸道規舟二月丁巳留臺備乘輿法駕迎帝于江陵三月栢振復襲江陵荊州刺史司馬休之奔于襄陽建威將軍劉懷肅討振斬之帝至自江陵六年十二月劉裕破盧循于豫章七年春二月右將軍劉藩斬徐道覆于如輿傳首京師夏四月盧循走交州刺史杜慧斬之十二年八月劉裕及琅耶王德文率衆伐姚泓景午大赦冬十月景寅姚泓將姚光以洛陽降己丑遣兼司空高密王恢之脩謁五陵十三年秋七月劉裕尅長安執姚泓收其彝器歸京師十四年十二月戊寅帝崩于東堂在位二十三年時年四十七葬休平陵帝不慧自少及長口不能言雖寒暑之變無以辨也凡所動止皆非己出故栢玄之篡因此獲全

晉書曰相玄字敬道一名靈寶大司馬溫之孽子也其母馬氏嘗與同輩夜月下坐見流星墜銅盆中忽爲二珠璨然明靜竟以瓢接收馬氏得而吞之若有感遂有光照室古者奇之故小名曰靈寶姝媪每抱詣溫輔易人而後至其重兼常兒溫甚愛異之臨終命以爲嗣襲爵年七歲溫服終府州文武辭其叔父冲冲撫玄頭曰此汝家故吏也玄因涕淚被面衆並異之及長形貌瓌奇風神踈朗博綜藝術善屬文常負其才地以雄豪自處時咸憚之年二十三拜爲太子洗馬時議謂溫有不臣之迹故折玄兄弟而爲素官後出補義興太守鬱鬱不得志嘗登高望震澤歎曰父爲九州伯兒爲五湖長棄官歸國自以元勳之門而負謗於世乃上疏曰臣聞周公大聖而四國流言樂毅王佐而被謗騎劫巷伯有豺獸之慨蘇公興飄風之刺惡直

醜正何代無之先臣蒙國殊遇姻婭皇極西平巴蜀北清伊洛竊號之寇繫頸北闕園陵修復大耻載雪飲馬灞漈懸旌趙魏勤王之師功非一捷泰和末皇基有潛移之懼遂奉順天人翼登聖朝晉室之機危於殷漢先臣之功高於伊霍矣至於先帝龍飛九五陛下之所以繼明南面請問談者誰之由也若陛下忘先臣大造之功信貝錦萋斐之說臣等自當奉還三封受戮市朝然後下從先臣歸先帝玄宮耳疏寢不報玄在荆楚積年優遊無事荊州刺史殷仲堪敬憚之及中書令王國寶用事謀削弱方鎮內外騷動知王恭有憂國之言玄潛有意於功業乃說仲堪宜興晉陽之師以內匡朝廷已當悉荆楚之衆順流而下推王恭爲盟主此相文舉也俄而王恭信至招仲堪及玄匡正朝廷國寶既死於是罷兵詔以玄爲廣州刺史其年王

恭又與庾楷起兵討江州刺史王愉及譙王尚之兄弟玄仲堪謂恭事必尅捷一時響應仲堪令玄與楊佺期爲前鋒玄至湓口獲王愉詔以玄爲江州各西還屯于尋陽共相結約推玄爲盟主後荊州大水仲堪振恤飢者倉廩空竭玄乘其虛而伐之至江陵仲堪數道拒之不尅佺期自襄陽來救期敗走躬仲堪亦見害於是平荆雍詔以玄督八州荊州牧玄於是樹腹心兵馬日盛其後孫恩逼京師玄建牙旗聚衆外託勤王實欲觀釁以兄偉爲冠軍江州刺史留偉守江陵抗表率衆下至尋陽移檄京邑罪狀元顯玄旣興師犯順慮衆不爲用恒有廻旆之計旣過尋陽不見王師意甚悅將吏亦振先使其將馮該等攻譙王尚之敗之劉牢之遣子敬宣降玄至新亭元顯自潰玄入京師矯詔加己摠百揆爲丞相加黃鉞羽葆鼓吹府置官屬

乃徙太傅道子于安成害元顯于市多戮朝望改易百官各置所親大赦改年爲大亨玄將出居姑孰其中書令王謐對曰公羊有言周公何以不之魯欲天下一乎周也願靜根本以公且爲心玄善其對而不從遂大築城府乃出鎮焉大政皆諮之小事則決其僕射相謙及卞範之後諷朝廷封諸子弟爲公自知怨滿天下欲速定篡逆段仲文卞範之等又共催促之於是改授群司其黨皆三公又矯詔封十郡爲楚王加九錫備物楚國丞相以下一遵舊典又諷天子御前殿而策授焉玄屢僞讓詔遣百僚敦勸乃就命玄僞上表求歸藩又自作詔留之遣使宣旨玄又上表固請又諷天子作詔固留十一月矯制加其備天子禮服御禮樂僭焉又矯詔使王謐兼太保奉皇帝璽禪位於己出居永安宮移晉神主于琅耶廟初玄恐帝不爲手詔

又慮璽不可得臨川王寶請帝自爲手詔因奪取璽比臨
軒璽已出出甚喜百官到姑孰立僞讓朝臣固請立乃
於城南七里立郊壇以立牲告天百僚陪列而儀注不備
妄稱萬歲遂升壇燎于南郊大赦改元永始初僞詔改年
爲建始右丞王悠之曰建始復是王莽始執權之歲也其
兆號不祥冥符僭逆如此國號大楚以南康平固縣奉晉
帝爲平固王車旗正朔如舊典遷居尋陽依陳留王虓鄴
宮故事追尊其父溫宣武皇帝諸子皆爲王立入建康宮
逆風迅激旂儀飾皆傾及小會西堂設妓樂殿上施絳
綾帳鏤黃金爲顏四角作金龍頭銜五色羽葆旒蘇群臣
竊相謂曰此頗似轎車亦王莽仙蓋之流也立以其妻劉
氏爲皇后更造大輦容三十人坐以二百人舁之性好畋
遊以體大不堪乘馬又作徘徊輿施轉關令迴動無滯立

自篡盜之後驕奢荒侈遊獵無度以夜繼晝性又急暴呼
召嚴速直官咸繫馬省前禁內雜亂無復朝廷之體於是
百姓疲苦朝野勞悴怨怒思亂者十室八九焉劉裕劉毅
何無忌等共謀克復裕等斬栢脩于京口斬弘于廣陵裕
率義軍至竹里立遣吳甫之皇甫敷北距義軍裕等於江
乘輿戰臨陣斬敷及甫之立聞之大懼乃召諸道術人推
筭數爲厭勝之法乃問衆曰朕其敗乎曹靖之對曰神怒
人怨臣實懼焉立曰人或可怨神何爲怒對曰移晉宗廟
飄泊無所大楚之祭不及於祖此其所以怒也立曰卿何
不諫對曰輦上君子自以爲堯舜之世何敢妄言立愈忿
懼使栢謙何澹之屯東陵卞範之屯覆舟山西衆二萬拒
義軍裕至蔣山使羸弱登山分張旗幟數道並前立偵候
還云裕軍四塞不知多少立益憂惶于時東北風急義兵

放火煙塵張天鼓譟之音震駭京邑劉裕執鉞麾而進謙等諸軍一時奔潰玄率親信數千人聲言赴戰遂出南掖門西至石頭使殷仲文具船相與南奔或勸其戰玄不暇答直以策指天而經日不得食左右進以麡飯咽不能下其子昇時年數歲抱玄臂而撫之玄悲不自勝劉裕以武陵王遵攝萬機立行臺摠百官遣劉道規躡玄至尋陽江州刺史郭昶之給其器用殷仲文自後至望見玄舟旌旗輿服備帝者之儀歎息曰敗中復振故可也玄於是逼乘輿西上於道作起居注叙其拒義軍之事自謂經略指授筭無遺策諸將違節度以致虧喪非戰之罪玄至江陵石康納之未三旬衆盛謂其羣黨曰卿等並清塗翼從朕躬都下竊位者方應謝罪軍門其觀卿等入石頭並雲霄中人也玄遣何澹之守湓口何無忌劉道規等破之帥舟艦

二百發江陵以徐放爲常侍遣說無忌等解軍謂放曰諸人不識天命致此妄作遂懼禍屯結卿三州所信可明示朕心若退軍解甲當與之更始授任江水在此朕不食言時道規已至玄與戰於崢嶸州于時義軍數千玄兵甚盛而玄懼敗常漾輕舸於舫側故其衆莫有關心義軍乘風縱火盡銳爭先玄衆大潰玄留永安太后及皇后於巴陵殷仲文時在玄艦求出別船收集散軍因叛玄奉二后奔于江陵玄欲出投漢川而制令不行左右於闇中斫之不中前後相殺交橫玄僅免於是荊州別駕王康產奉帝入南郡時益州刺史毛璩使其從孫祐之送弟璠喪葬江陵有衆二百璩弟子脩之先爲玄校尉誘玄以入蜀幸枚回洲祐之迎擊玄矢下如雨玄被箭其子昇拔去之益州督護馮遷抽刀而前玄拔頭上玉簪與之仍曰是何人邪敢

殺天子遷曰欲殺天子之賊耳遂斬首時年三十六自篡
逆至敗凡八旬矣

晉書曰恭帝諱德文安帝母弟也初封琅耶王歷中軍將

軍散騎常侍衛將軍開府儀同三司侍中領司徒錄尚書
六條事元興初遷車騎大將軍相玄執政事進位太宰加
亮冕之服綠綬綬玄篡位以帝爲石陽縣公與安帝俱居
尋陽及玄敗隨至江陵玄死相振奄至躍馬奮戈直至堦
下瞋目謂安帝曰臣門戶何負國家而屠滅若是帝乃下
牀謂振曰此豈我兄弟意耶振乃下馬致拜振平復爲琅
耶王又領徐州刺史尋拜司馬領司徒加殊禮義熙五年
置左右司馬長史從事中郎四人加羽葆鼓吹十二月戊
寅安帝崩是日即帝位大赦元熙元年春正月壬辰朔改

元以山陵未厝不朝會立后褚氏甲午徵劉裕還朝二年
夏六月壬戌劉裕至于京師傅亮承裕密旨諷帝禪位草
詔請帝書之帝欣然謂左右曰桓玄之時天命已去爲劉
公所延二十載矣今復何恨乃書赤紙爲詔甲子遂遜于
琅耶第劉裕以帝爲零陵王居于秣陵行晉正朔車旗服
色一如其舊有其文而不備其禮宋永初二年九月崩于
內房時年三十六謚恭皇帝葬沖平陵

續晉陽秋曰初安皇不慧起居動止不自己帝每侍左右
消涼溫飢飽之中而恭謹備焉時人稱其順悌又雅信佛
鑄□貨十萬造丈六金像於瓦官寺外國齊日迎像宮步
從十許里安皇帝歸陵有詔當出送入座奏諫以爲宜加
珍攝乃止

沉約宋書曰褚秀之妹爲恭帝后兄弟並盡忠孝高祖恭

太平御覽 卷一百
帝每生男輒令方便殺焉或誘賂內人或密加毒害前後如此非一恭帝居秣陵宮帝懼見禍與褚后共止一室慮酖毒自煮食於牀前高祖將殺之不欲遣人入內令褚淡之兄弟褚后出別宮相見兵人乃踰垣而入進藥於帝帝不肯飲曰佛教自殺者不得復人身乃以被掩殺之
中興書曰昔中宗以丁丑之歲始稱晉王改築宗廟使郭璞筮之云載祀二百暨今禪代庚申之歲凡百有二年而天祿永終璞精於數術理無乖二抑以百二斯促故倒其詞爲二百乎
史臣曰安帝卽位之辰鍾無妄之日道子元顯並傾朝政主昏臣亂未有不亡者也雖有手握戎麾心存舊國迴首無良忽焉蕭散於是相立承釁勢踰颺指六師咸泯隻馬徂遷是以宋高非典午之臣孫恩豈金行之寇若乃世遇

顛覆則恭皇斯甚於越之民詎燠丹穴會稽之侶寧歎入臣去黃屋而歸來灑丹書而不恨夫五運攸革三微數盡猶高秋凋候理之自然觀其零落人有爲之流漣者也

太平御覽卷第一百

